



Diahuebs, Maart 01, 2012 - Edicion v -7 Vol.1746 Sta. Cruz # 110
Tel: 585-9500 Fax:585-0951 - E-mail: solodipueblo@gmail.com **1.50**

Placa di APFA (ambtenaanan) hinca den man di comerciantenan:

METACORP, KAN, BERLINSKI KIER BIRA UN PODER ECONOMICO?

AVP ta manera Promenton berde, den tur saus nan kier ta hinca!



Royal Power Campeon Softball 2012



Mike Eman malgastando placa di pueblo



Leading by example!

Chris Dammers a anuncia cu prijs di gasolin ta sigui subi"



PARTIDO MEP CU TREMEMDO RIFA DI AUTO 25 DI MAART



Teatro den Bario ta presenta:
"AINDA MI NO SA"
na Santa Cruz



Persecucion a cuminsa na Malmok y a termina na Sero Patrishi



Parlamentario Arondino Croes:

Prome Ministro Mike Eman malgastando placa di pueblo, leading by example!



STA. CRUZ -- Segun Parlamentario Arondino Croes cu durante e presupuesto di Minister di Asuntonan General Mike Eman por a nota un aumento substancial den su seccion. Ta inaceptabel segun Parlamentario Croes cu nos Promer Ministro di Pais Aruba cu mester ta un modelo ehemplar ta presenta un aumento di alrededor di 30% den menos di dos aña den su presupuesto pa aña 2012. Nos Promer Minister sr. Mike Eman a aumenta su presupuesto di 71

miyon pa 91 miyon cu ta representa un subida di 20 miyon. E pregunta cu Parlamentario Croes ta haci na sr. Mike Eman ta con ta posibel cu gobierno tin un deficit estima di 265 miyon pa aña 2012 y envez di duna ehempel pa bisa ban corta gasto ta haci net lo contrario y ta gasta mas placa di pueblo. Den e programa di AVP cu a wordo usa pa campaña a priminti cu lo stop tur gasto cu no ta absolutamente necesario. Nan a priminti cu lo baha gastonan di operacion

di gobierno mes ora. Al final tur cos a keda na e palabra priminti. Si sr. Mike Eman Promer Minister mes ta duna un mal ehempel na su otro Ministernan colega di su presupuesto di su seccion correspondiente ta unda e pais aki lo bay termina. A priminti pueblo di Aruba cu lo baha su gastonan cu 75 miyon pa aña y tur esaki a keda na solamenta palabra y promesanan sin accion. Pa colmo nos ta haya e sorpresa desagradabel cu e mesun Minister Presidente aki sr. Mike Emantaumenta esuma di su coordinadornan di su despacho den dos aña di tempo di 1.3 miyon pa 5.7 miyon. Unda nos Pais ta bay cu e coordinadornan di e Ministernan nan presupuesto ta subi drasticamente di 10 miyon pa 20 miyon den dos aña di tempo. Parlamentario Arondino Croes ta convenci cu e Gabinete Eman lo mester pensa seriamente den retira di e Gobierno aki pa motibo cu tur e promesanan haci durante campaña no ta wordo cumpli cune y a engaña nos pueblo cu lo baha gastonan di Gobierno.

Ing. Briesen di MEP:

MEP ta habri porta pa Gobierno cu gobierno di Venezuela



STA. CRUZ -- Ing. Eddie Briesen a informa cu presidente di partido Joe Koolman su viahe pa Maracaibo e luna aki a habri porta pa gobierno di Aruba. Segun Briesen den e reunionnan a keda

palabra cu gobierno Venezolano ta dispuesto pa duna fuel oil na prijs preferencial directamente na WEB. Pero como oposicion MEP no por firma acuerdonan, pero si MEP ta habriendo porta pa gobiernu "nos ta contento cu AVP a recapacita, pasobra na aña 2009 cu nos a bay Venezuela, AVP a yama nos pa comunista, pero awor si nan a realiza cu Aruba mester di Venezuela" Briesen a bisa.

UN MINISTRO DI HUSTICIA CU TE AWE DESPUES DI 2 AÑA Y MEY AINDA NO TIN PLAN DI MANEHO PA POLIS

STA. CRUZ -- Presidente di SPA cual ta e sindicato di polis a laga henter un pueblo keda completamente babuca recientemente ora cu el'a declara cu ainda ministro di husticia Dowers no a bin cu un plan di maneho pa polis. Segun president di SPA, ta te na Maart e ministro lo presenta su plan di maneho! Ta kico e ministro kier logra cu un plan di maneho cu awor despues di 2 aña y mey ta wordo entrega na polis, ningun hende sa. Hecho si ta cu ta te na Maart e ministro di husticia kizas lo bay entrega su plan di maneho anto ta cuanto tempo ta bay keda pa e plan wordo coregi y adapta door di polis cu mester bay haci e trabao? Normalmente un ministro from day one ta cuminsa traha riba su plan di maneho pa mas pronto posibel esaki wordo entrega na su departamentonan. Esnan cu ta na cabez di e departamentonan e ora hunto cu nan personal ta bay studia e plan di maneho pa waak unda cu esaki mester wordo coregi y adapta, pa asina na final conhuntamente cu ministro y expertonan yega na un producto final cu ta funciona. Asina mes na caminda hopi biaha e plan di maneho por y ta wordo cambia pa haya un mihor resultado. Ta pesey tambe awor cu falta un aña pa eleccion, ta awor numa e ministro ta declara cu ta otro luna e ta bin cu su plan di maneho pa polis, cu esaki ta un pildora hopi marga pa polis y pueblo en general guli manda abao. Ta un berguenza grandi cu haciendo uso di tanto experto cu ta costa pueblo miyones pa aña, ainda e gobierno di Mike Eman y Dowers no por presenta un plan di maneho pa polis. No ta nada straño cu polis lo ta trahando manera un barco sin rumbo y cu un comisario di polis cu ta trahando sin un plan di maneho di su ministro.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Francis Jacobs di MEP:

Pueblo di Aruba ta invita pa bin celebra hunto dia 18 di Maart

“nos Himno y nos Bandera”



STA. CRUZ -- Partido Movimiento Electoral di Pueblo MEP ta organiza dia 18 di Maart proximo en conexion cu nos dia Nacional, dia di nos Himno y nos Bandera, un tremendo actividad. Francis Jacobs, encarga cu e actividad aki, den nomber di Lider y Presidente di Partido ta haci un cordial invitacion na nos Pueblo engeneral pa bin celebra den famia, nos Himno y nos Bandera na Sede Libertador Betico Croes na Santa Cruz. E aña aki e celebracion ta bay ta grandi, y lo wordo celebra riba tres dia, unda Aruba lo celebra e weekend completo cu

MEP, un weekend unda nos hendenan, grandi y chiquito lo celebra nos Himno y Bandera den harmonia cu otro. E celebracion lo cuminsa caba desde diabierna 16 di Maart y lo culmina dia 18 di Maart anochi. Diabierna ta cuminsa un torneo di domino. Riba diasabra lo bay rindi honor na nos bandera pa medio di e acostumbrado caminata cu e bandera di mas grandi di Aruba for di curazon di Santa Cruz te na Sede caminda lo hisa e bandera net prome cu mey anochi.

Riba diadomingo, 18 di Maart, lo tin mas competencia di wega

di Domino, weganen popular, musica, canto, declamacion, baile, vlooienmarkt, artesanía y bar y cushina bon surti. Un programa di e tres dianan, yena cu entretenimento y alegría, cu lo sali pronto den publicidad pa asina henter nos Pueblo di Aruba por wordo mas informa di e celebracion. Manera un famia sin importa raza, religion, color politico, importante ta cu nos tur cu ta biba ariba e pida baranca aki ta sali y celebra e dia aki, nos dia, dia di nos Himno y nos Bandera. Un dia na unda tur nos grandinan a bringa pa awe nos tin nos Himno y nos Bandera, cu ta simboliza nos identidad. Maske nos ta un isla chiquito pero awe nos tin nos propio autonomia di cual hamas y nunca nos lo permiti den nigu forma p'e bay perdi. Danki na nos Libertador Betico Croes hunto cu nos grandinan cu a lucha pa awe nos ta orguyoso y nos por celebra manera rumannan nos dia di Himno y nos Bandera. Un invitacion ta bay na henter e pueblo di Aruba pa bin celebra e fin di siman di 16 pa 18 di Maart, na Sede Libertador Betico Croes na Santa Cruz. Bini uno, bini tur, pa asina nos demostra cuanto amor y sentimento nos tin pa nos pida baranca aki cu yama “Aruba”. Biba Aruba, nos himno, bandera, moneda y nos autonomia. Y spera pronto riba e programa oficial, pabien Aruba y nos ta wardabo.

Ing. Edison Briesen, parlamentario di MEP:

MEP no a acepta e deal di Valero na 2009 pasobra MEP tabata kier pa Valero inverti den un hydrocracker



STA. CRUZ -- Partido AVP den e dianan aki ta sinti e ley di karma. Nan a hunga politica baho y barata cu Valero tempo di campaña, culpando MEP di e ciere y awor nan mes ta haya nan confronta cu un posibel ciere di e refinaria. Pero awor AVP no kier acepta y admiti e wega cu nan a hunga na 2009 y ainda tin e pudor di culpa gobierno anterior di MEP. Riba esaki lider di fraccion geel Edison Briesen a reacciona den conferencia di prensa di MEP. E tempo ey Valero a ofrece gobierno un deal pa inverti 1 biyon florin den 10 aña, promedio 100 miyon pa aña. Pero esaki no ta nada espectacular, pasobra na mantencion regular so caba e refinaria tin di gasta 70 miyon of mas. Ademá, ta un regla cu 3% mester wordo inverti tur aña pa mantencion regular, pues esaki ta muestra cu e 1 biyon den 10 aña cu Valero a ofrece gobierno di MEP no ta nada espectacular. Ademá, nos gobierno a pidi Valero en vez di duna 1 biyon den 10 aña, mihor inverti den un cat cracker of por lo menos den un hydrocracker,

cu ta costa 700 miyon. Pasobra gobierno di MEP tabata tin un vision pa e refinaria, pa forza e refinaria construi un hydrocracker, pa pone e refinaria den un posicion mas competitivo. Si Valero lo a haci esey, awe nos no ta para dilanti e senario scur pa futuro di e refinaria. Lo awor tin un fila di operador cu lo kier cumpra e refinaria. Ademá di esey, Valero a ofrece di paga 50 miyon florin na belasting tur aña, pero como un Flat Fee. Pero e añanan anterior Valero tabata tin un Ganashi promedio di 600 miyon florin pa aña, y a base di esey lo mester a paga 150 miyon florin pa aña! Claro cu ningun hende por acepta e ora apenas 50 miyon! Ora MEP a negocia cu refinaria nos a busca expertonan di afor, entre otro di gobierno hulandes y di Alemania. MEP no a sinta cu hendenan cu tin compania den e refinaria, pasobra esey ta conflicto di interes, y e ora masha facil bo ta perde for di bista kico e interes general di nos pueblo ta, y bo ta capaz di pensa solamente riba interes personal. E tempo ey nos a haya conseho valioso, y nos ta waak cu awor tur ta birando realidad. Esey ta e diferencia entre MEP y AVP. AVP a negocia den un posicion debil, y awor no a logra net nada! Gobierno di AVP realmente a faya aki y a demostra cu nos sa negocia.

Ing. Edison Briesen di MEP:

AVP na manera Promenton berde, den tur saus nan kier ta hinca!



STA. CRUZ -- Den conferencia di prensa di MEP Edison Briesen a compara partido AVP cu promenton berde, den tur saus nan kier ta. Aki el'a referi na e hecho cu aki

na Aruba prome minister ta invita tur Venezolano bin firma un peticion pa entrega na presidente di Venezuela, sr. Chavez. Pero na mesun momento su parlamentario cu curashi, Juan David Yrausquin, ta bay braza oposicion di Presidente di Venezuela. Un potret di Juan David Yrausquin y Capriles Radonsky a keda publica den tur medio di comunicacion. AVP kier ta den tur saus politico, pero segun Briesen nan no

ta comprende e aspecto politico di e weg cu nan ta hunga, y e efecto cu esaki tin riba e gobierno di Chavez. Y mas aun cu esaki por strob a posibilidadnan pa Venezuela yuda den reapertura di e refinaria. Manera cu gobierno mes ta bisa, Venezuela ta keda e posibilidad mas real, especialmente si Venezuela ta dispuesto na bende crudo na un prijs preferencial.

Chris Dammers a anuncia cu prijs di gasolin ta sigui subi"



STA. CRUZ -- Awor parlamentarionan di AVP a haya e tarea di ta vocero di gobierno.

Talvez despues cu e vocero oficial Manolo Besselink a pega barco, bisando tur stranhero pa sali for di e pais aki, awor ta parlamentarionan mester duna e mal noticia.

Hecho ta cu prijs di

gasolin a caba di subi cu mas di 10 cent, y awor segun Chris Dammers e lo sigui subi hopi hopi mas.

Tur esaki danki na e gobierno di Mike Eman! Pueblo a spera cu gobierno lo haci algo pa baha accijns pa asina sikiera alivia e efecto riba nos pueblo.

Pero bo ta mira cu e hendenan aki no ta importa nan net nada cuanto dolor e pueblo aki ta sufri.

Pero si tin 20 milyon florin pa paga coordinador! Danki na e gobierno berde dimes!



PLEASURE
gonna **ROCK** your party

Santa Cruz Bar & Restaurant In front of Taco Bell
Presents
Pleasure Band

Date: Friday 2nd March 2012
Time: 10:00 pm - 2:00 am

Free Entrance

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno,
Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



Persecucion a cuminsa na Malmok y a termina na Sero Patrishi



STA. CRUZ -- Diarazon mainta patruya den area di Malmok a para un Tercel preto pa controla papelnan di auto. E auto no a para y a sigui core bay. Aki a sigui un persecucion cu a termina den vecindario di Sero Patrishi na altura di Glen's Take Away. Den e persecucion un patruya aparentemente a dal den e Tercel y a mande ariba parti di e muraya. Un pilar a bin abao. Tanto e Tercel y e dos autonan di polis a sufri daño. Mesora polis a bay over na detencion di dos persona den e auto. A resulta cu nan a caba di horta un turista ariba beach. Den e auto a haya obhetonan horta. Varios patruya y recherche a tuma parti na e persecucion. Ta net 1 siman di e tiroteo y tabata tin hende eybanda cu tabata puntra si esaki tin de haber cu siman pasa, mirando un cantidad grandi di polis na e sitio.



ANALISIS ECONOMICO

Placa di APFA (ambtenaarnan) hinca den man di comerciantenan:

MetaCorp, Kan, Berlinski kier bira un poder economico?

Diarazon a sali den prensa un articulo tocante BKM Management cu ta introduce un growth fund na Aruba pa Arubianonan por bende nan negoshi y lo yuda nos pais. Tambe ta menciona cu APFA, Elmar, WEB, MetaCorp y CMB ta participa. Nos prome pregunta ta pakico hinca placa di pueblo den un growth fund? Ken a duna nan e autoridad aki? Ki garantia nan tin? Ta conoci cu e comerciantenan aki ta sponsor di AVP y cu nan no ta haci esaki por nada. Cuanto nan comision ta? Meta cu tambe ta un sponsor di AVP `tambe ta den wega. Mas poder economico nan kier? Nan ta haci comosifuera cu ta bon pa nos hende nan pero growth fund ta un fenomeno cu ta existi pa hopi aa na Merca pa gana placa. Nada mas! No hunga cu sentimento Arubano y bisa e cos manera e ta: Gana hopi placa.

AIB tambe kier a haci mesun cos pero Banco Central a nenga nan! E hendenan aki kier bira un poder economico y gana hopi placa cu placa di entre otro pensionado. Nan tin un lista caba cua compania nan kier cumpra! Den un pais na Merca e cos aki por traha pero sigur no den un comunidad chikito manera Aruba. Of Kan cu Berlinski kier bende nan negoshi nan cu ta draai malo cu placa di pueblo? Kico e compania Atlas Advisory tin di haci cu nan? Pueblo y comerciante waak e asunto aki hopi bon. Un di e meneer aki ta bin di un compania cu ta Goldman Sachs cu ta un di e banconan cu a hinca Merca den recesion. Nos ta corda e asunto di Stanford na Aruba cu Banco Central a laba su man. Cuidao cu e cos aki! Awor si Banco Central ta responsabel! AVP ta conoci pa e tipo di cos nan aki.

Minister Michelle Hooyboer-Winklaar den Nos Mainta cu Belkis Moreau

PROMOVIENDO EVENTO SPECIAL RIBA "DIA DI HENDE MUHER"



STA. CRUZ -- Diahuebs mainta lo tin e repiticion di e programa "Nos Mainta" di diarazon na TeleAruba den cual Minister di Asuntonan Social, Michelle Hooyboer-Winklaar a hiba un conversacion hopi ameno cu e presentado Belkis Moreau. E topiconan principal tabata e bida di hende muher na Aruba en general y e conferencia interesante cu lo wordo presenta riba Dia di Hende Muher, dia 8 di Maart, pa Ministerio di Asuntonan

Economico, Asuntonan Social y Cultura. Minister Hooyboer-Winklaar a comparti cu Belkis cu e característica mas importante di hende muher na Aruba ta "resilience", pues cu e hende muher Arubano ta fuerte, flexibel y determina y tin e habilidad di cambia y adapta na situacionnan pa sigui bay dilanti. E mandatario entre otro tambe a nota cu hende muher ta hopi habil pa cuminsa y maneha negoshi y toch ta lamentabel cu cifranan

di Camara di Comercio ta muestra cu solamente 30% di negoshinan na Aruba ta registra riba nomber di hende muher. E minister a menciona varios otro dato interesante durante e conversacion cu a bay den un ambiente hopi placentero, tipico di e programa Nos Mainta. Pues sintoniza TeleAruba y Nos Mainta diahuebs mainta pa e entrevista aki y haya sa mas tocante e evento di Dia di Hende Muher cu lo tuma lugar di 8 di Maart na Aruba.

MESTER DI PLACA? EMPEÑA Y CUMpra ORO

14 kt = AWG 40!
18 kt = AWG 50!
24 kt = AWG 68!

SEMPER E PRIJS DI MAS HALTO!

JUWELENHUISJE
ORARIO 10AM - 6PM DIALUNA TE DIABIERNA



Na Aruba Lionfish ta keda un menaza creciente pa nos bida marina

Studiantenan di IPA, Seccion di Pesca di Santa Rosa y fundación Aruba Marine Park ta sigui busca método pa controla Lionfish



STA. CRUZ -- Manera ta conoci aña pasa Aruba Marine Park y Departamento di Pesca di Santa Rosa a traha duro cu diferente organizacion pa busca e forma pa controla e poblacion di Lionfish rond di nos isla. A organiza un Lionfish Derby cu a resulta hopi exitoso. Tabata tin bon participacion di sambuyado cu hopi entusiasmo pa yuda controla e Lionfish, cu pa promer biaha a wordo raporta na Aruba durante aña 2009. Pa purba combati y controla e poblacion di Lionfish e fundacion di Aruba Marine Park a dicidi di lansa e Lionfish Derby na Maart 2011 y despues e Lionfish Control Championship cu a cuminsa na Juni 2011 y despues clausura na December 2011. E Lionfish Control Championship tabata un exito rotundo. Pa medio di comunicado di prensa y e pagina social di Facebook a keda mantene e sambuyado "Lionfish huntersnan" motiva. Asina nos a clausura e aña cu un resultado exitoso, unda cu mas di 2000 Lionfish ser captura y entrega pa registro na Centro di Pesca Hadicurari. Nos tin cu duna credito na Fundacion Centro di Pesca Hadicurari cu ta coopera cu su facilidad pa e organizacion di e eventonan durante aña 2011. E intencion

ta pa sigui motiva e dive - operatorsnan, sambuyadornan y e conocido "Lionfish hunters of slayersnan" pa sigui elimina y controla e poblacion di e Lionfish. Seccion di Pesca y Fundacion Aruba Marine Park ta spera di sigui ricibi e cooperacion di diferente "stakeholder" pa keda controla e especie invasivo aki. Como organisadornan di e Lionfish Derby y Lionfish Control Championship nos a nota hopi interes for di e sector educativo di Aruba. Varios

instituto educacional a pone atencion ariba e problematica di Lionfish, cual nos ta admira y aprecia hopi. Estudiante di IPA, Colegio Arubano y otro schoolnan a traha proyecto di Lionfish of problema ambiental cu ta menasando nos rifnan di coral rond di Aruba. Estudiante di IPA Sra. Gyseth Arends-Jansen a traha proyecto social di Lionfish. Un estudiante di IPA a traha intensivamente ariba e parti educativo di Lionfish. Sra. Gyseth Arends - Jansen a registra 350 hora pa traha ariba e proyecto di Lionfish. Cu asistencia y cooperacion di seccion di pesca y fundacion Aruba Marine Park, sra. Arends Jansen por a traha ariba e proyecto di Lionfish. E proyecto di Lionfish a forma parti di un asignacion di IPA, pa e proyecto social cu tur estudiante di IPA, tin cu ta finaliza como rekisito pa finaliza nan estudio. Sra. Gyseth Arends-Jansen ta un "open water diver" desde 7 aña pasa. Sra.



Gyseth Arends-Jansen a participa como "Lionfish hunter" durante e Lionfish Derby na Juni 2011. Door di ta un sambuyador, el'a haya e interes pa traha e proyecto di Lionfish. Sra. Gyseth Arends -Jansen a produci un "leskoffer" cu hopi material didactico pa asina por duna les na muchanan di 5 y 6de klas di school basico, tur loque nan mester sa di un Lionfish. Tambe siman pasa a traha un exposicion cu tur e materialnan produci pa duna les. Seccion di Pesca di Santa Rosa y

directiva di fundacion Aruba Marine Park a keda masha impresionado cu e material produci. Nos lo desea pa e material wordo usa na school ariba un base regular y parti di les di naturaleza. Di e manera ey tur alumno di schoolnan basico tin acceso pa haya tur informacion di Lionfish. Ariba e potret nos por aprecia Sra. Gyseth Arends -Jansen, den compania di sr. Castro Perez, Vice president / Secretario di fundacion Aruba Marine Park .

"Giselle" Department Store

A caba di ricibi pa tur esnan cu ta bay ricibi na Prome Santa Comunion



Bistirblanco masha bunita na hopi bon prijs, krans y corona y waal, tas, rosario, set di bachi color blanco, preto, blauw scur, beige y off white, y kaarchi pa invitacion. Tambe a caba di yega hopi paña nobo pa bisti pa tur ocasion pa dama, cabayero, hoben y muchanan. E coleccion di sandalia, zapato y slofnan hopi bunita. Pa Pasco grandi nos tin varios decoracion, e.o. pelucho di coneu, webó di plastic, macuto pa piki webó, sticker, window clings y saco pa pone mangel. Pa campamento nos tin tent, slaapzak, matras, pool, full y di dos pida y zwemvest.




First Holy Communion

Telefon: 586 8855

SETAR ta introduci prepaid data bundels!

Cu SETAR Prepaid Data bundles awor hopi mas rapido y economico pa usa



STA. CRUZ -- SETAR ta percura pa e clientenan di celularnan prepaga (prepaid) keda conecta na tur momento. Awe SETAR ta lanza un servicio nobo di data bundels specialmente pa e cliente prepaid. Bundelnan di data aki ta pa esnan cu ta usa prepaid, ya cu cumprando e bundel di data ta sali e cliente mas beneficioso. E servicio di SETAR Prepaid Data bundels ta ofrece un variedad di plan di data basa riba diferente cantidad di uso desde 250 MB pa 4 GB y speed te cu 7.2 Mbps pa "High Speed" y 14.4 Mbps pa "Super Speed". E cliente por scoge entre diferente bundel cu ta adecuado pa su

uso personal di data. E "High Speed" bundelnan ta inclui por ehempel un data plan di full 1 dia (250MB), 1 siman (500MB), 2 siman (1GB) y un luna largo (2GB) na prijsnan mas economico cu si bo cumpra data individual cada vez. Ademas SETAR tin tambe pa esnan cu ta gusta speed 4G, loke nan ta yama "Super Speed" bundels cu ta inclui pa 1 dia (500MB), 1 siman (1 GB), 2 siman (2GB) y 1 luna (4GB). Pa cumpra por usa e codigo USSD: *123#SEND y sigui instruccion. Pa mas informacion por bay riba e website di SETAR na: www.setar.aw y bay na e seccion di Mobile y prepaid phones.

Jeslaine Vieira Alves a gana "dinner & a movie" pa 2 persona cu e Trivia di Academy Awards 2012



STA. CRUZ -- Jeslaine Vieira Alves a gana "dinner & a movie" pa 2 persona cu e Trivia di Academy Awards 2012. E ta bay come dinner ta

na L.G. Smith Steak & Chop House y tin entrada pa cinema pa 2 persona. SETAR y canal ABC canal 14 cu awor tambe den "High Definition" na Canal 314 a presenta un trivia cu diferente pregunta encuan to di Academy Awards. Tur esnan cu participa y yena e contestanan corecto na e preguntanan cu tin, por a gana un "dinner and a movie" pa dos persona. Jeslaine Vieira Alves a bira e feliz ganador. El'a bay riba e website di SETAR www.setar.aw y click riba e slider di Academy Awards y

a yena e contestanan corecto na e preguntanan y a bira e feliz ganador. E di 84 Academy Awards a tuma lugar diadomingo ultimo dia 26 di Februari 2012 riba Canal 14 y HD 314 ABC di Cable Digital. E evento a inclui reconocimiento pa diferente actor, actriz, director y personahenan cu a causa un impacto den e mundo di film durante aña 2011. Riba e potret nos por mira momento cu Jeslaine ta ricibi su premio for di Andreina Kock di departamento di Mercadeo di SETAR.



chicken McBITES™

disfruta di e SABOR

Chicken McBites™ ta traha cu pecho di galiña moli di e miho calidad. Prepara net bon cu conoflok, peper y siboyo, cada pida crispy paqueta cu sabor delicioso di cas.



Scohe entre e tamaño snack, regular of shareable. Nan ta aki pa un tempo limita. Asina ta pasa lihe y purba nan.



Enjoy the freedom to connect on the go!

New Prepaid Data Plans



Choose the bundle*
that best fits your needs

High Speed Bundle

Data Plan	Price	Down-/Upload Speed (Kbps)	Data Volume
1 day	Afl. 5,-	7200/384	250 MB
1 week	Afl. 18,-	7200/384	500 MB
2 weeks	Afl. 32,-	7200/384	1 GB
1 month	Afl. 49,-	7200/384	2 GB

Super Speed Bundle

Data Plan	Price	Down-/Upload Speed (Kbps)	Data Volume
1 day	Afl. 8,-	14400/384	500 MB
1 week	Afl. 28,-	14400/384	1 GB
2 weeks	Afl. 50,-	14400/384	2 GB
1 month	Afl. 79,-	14400/384	4 GB



*Some conditions may apply.

Dia 1 di Maart 2012 lo aparece den Corte di Prome Instancia:

Pa 8:00 am: J.F.E.E.: Vordering tennitvoerlegging di a intencionalmente maltrata e mes persona aki riba 28 di Augustus 2011.

Pa 8:30 am: L.C.M. ta wordo acusa di ladronia riba 9 Oktober 2011.

Pa 9:00 am: J.F.A. ta wordo acusa di intento di ladronia den un tienda riba 10 di Oktober 2011. Tambe e ta wordo acusa di a intencionalmente destrui e luz y/of porta di e tienda riba 10 di Oktober 2011.

Pa 10:30 am: R.E.S. ta wordo acusa di a menaza un persona cu un crimen contra su bida y/of maltrato pisa riba 28 di Augustus 2011. Tambe e ta wordo acusa

Pa 11:00 am: E.A.G. ta wordo acusa di ladronia di algun pida di plywood di un empresa riba 12 di Januari 2011.

Pa 11:40 am: D.F.L.G. ta wordo acusa di ladronia di un tas cu contenido riba 24 di Oktober 2011.

E ta wordo acusa di ladronia di un telefon celular di un persona riba 24 Oktober 2011. Tambe e ta wordo acusa di ladronia di un tas cu contenido di un persona riba 24 di Oktober 2011.

STA. CRUZ -- Manera cu gobierno di AVP haya nan mes den cualkier preta politico y gubernamental nan ta core spanta hende cu supuesto independencia cu oposicion lo kier forza riba pueblo. No ta pasa un ocasion cu manera oposicion na Aruba cuestiona na Hulanda loke ta wordo haci den mal gobernacion na Aruba, cu mesora sea Mike Eman, Mike de Meza of mini ministro Baba Herde ta core bay trata na spanta hende cu independencia. Te hasta te na Hulanda nan a trata di bay lanta un demostracion contra oposicion pa asina haci uso di algun Arubiano biba na tera friu pa bay demostra contra independencia. E fli ey no a subi pasobra

na ultimo momento parlamentarionan Hulandes a haya sa con e asunto na Aruba ta mas o menos hinc den otro pa e momento ey! Mester bisa mas o menos pasobra ta parce cu aunke cu Hulanda tin un oficina di representacion na Aruba, esnan den Parlamento na Hulanda no tin nocion real di kico ta tuma lugar aki den mal gobernacion of nan no kier sa mes. Parlamentarionan y ministronan Hulandes enberdad ta bishita Aruba frecuentemente pero manera custumber, ta un viahe cortico ta wordo haci unda cu nan ta haya tur cos bunita presenta riba teblachi pa despues nan mes bay elogia e gobierno di Mike Eman. Hulanda ta na altura di hopi asunto anti democratico cu ta pasa rond mundo. Nan ta preocupa cu loke ta pasa cu derechonan humano na China, na Libia, na Siria na diferente pais na Africa y te hasta Rusia pero den e mesun Reino Hulandes nan ta permiti pa dictadura tuma lugar. Bo ta bay rond mundo pa trata na influencia, pone presion, lobby pa democracia wordo introduci na paisnan unda cu dictaduranan ta na mando of tabata na mando anto den bo mesun Reino Hulandes bo ta tolera abiertamente dictadura? Ta imposibel pa tanto parlamentarionan Hulandes como gobierno Hulandes kere di por pretende cu nan no sa kico ta pasando na Aruba y cu aki un golpi di estado a caba di tuma lugar ora cu trabao

di parlamentarionan di oposicion a wordo limita den Parlamento. Na momento cu bo ta limita e tempo pa un parlamentario por papia den Parlamento pa asina trece pa dilanti asuntonan di importancia nacional, esaki ta nada otro cu un golpi di estado. Ministronan di AVP por haci y deshaci den Parlamento, no ta duna cuenta, por malgasta placa di pueblo manera nan ta haya ta bon, ta bin cu proyectonan descabeya y ta sigui aumenta e debe nacional cu ya lo a pasa 3 bion y no ta duna cuenta na Parlamento, esaki ta nada otro cu un golpi di estado den un bachi bunita y bon camufla. Statuut di Reino hulandes ta obliga Hulanda pa salvaguardia bon gobernacion den Reino y esaki ta net loke cu Hulanda ta core pe, mientras cu e kier bay introduci democracia y salvaguardia derechonan humano na otro paisnan si. Derechonan di miles y miles di votadornan na Aruba cu no a vota pa AVP ta wordo trapa abiertamente den Parlamento y tur esaki ta posibel pasobra gobierno Hulandes ta tolera esaki tambe abiertamente. Hulanda aparentemente ta mas interesa den democracia na otro paisnan y tambe den placa cu por wordo gana pa TNO y otro companianan Hulandes manera Gasunie y esun cu ta bende Tram pero e derecho di miles di Arubiano no ta importante pa nan.

**Drumi Dushi
y Comfortabel
riba Colchonnan
Suave di**

**Ta introduci
su liña nobo di
matras y boxframe
Comfort Top, Pillow Top,
Euro Style Pillow Top
y Latex Core**



Tel: 582 2709 - 582 4405 Fax: 583 9637

Stars On Stage:

Teatro den Bario ta presenta “ AINDA MI NO SA” , na Santa Cruz



STA. CRUZ -- Manera ta conoci caba FARPA (Fundacion Arte Pro Arte) ta traha cu muchanan di cada bario cu e proyecto “Stars On Stage: S.O.S.” E proyecto aki, cu ta wordo patrocina door di UNOCA, Cede Aruba, Prins Bernhard & Cultuurfonds y Samenwerkende Fondsen N.A. en Aruba, ta un proyecto unda hobennan ta wordo stimula pa

desaroya su mes den e area di personalidad pero tambe pa actua of baila y presenta nan obranan di teatro pa publico. Awor ta e turno di (Stars on the stage) S.O.S di e grupo di teatro di Santa Cruz, Nan a prepara nan mes hopi duro durante varios luna, door di improvisación y desaroyo den disciplina, respet, compañerismo y creatividad dunando

su propio interpretación pa e contenido di e obra. Awor nan ta cla pa presenta e obra titula “ AINDA MI NO SA” dia 11 di Maart pa 18:00pm na Sporthal di Sta. Cruz, e obra aki ta wordo dirigi pa e docente Gloria Bryce, cu un amplio experiencia den e area di teatro y danza, bao e coordinacion general di Amy Lasten. E produccion di teatro aki lo ta un convinacion cu audiovisual, Teatro den teatro ta Un mundo caminda e falta di comunicacion, tolerancia y conocimiento pa e arte, no ta existi, e mama door cu no ta apoya e hobennan den esaki, ta causa confusion den lo cual ta referi e imagen di un hogar y door di esey ta trece un actitup di rebeldia. E Hobennen Laura y e Pintor, apesar di tur e conflictonan, ta busca refugio den e disciplina di teatro, tur e otro hobennan den un forma ingenuo ta sigui nan ehempel. Mientras tanto e mama ta purba pa recupera e confianza di su yiunan cu a wordo perdi. Bini un bini tur! Ban apoya nos talentonan local, pasobra nan ta futuro di nos pais. Si bo kier ta parti di e proyecto aki pa otro aña y bo tin gana di participa y no a inscribi ainda, bo tin chens pa inscribi.

MIKE EMAN MESTER INFORMA PUEBLO PAGADOR DI BELASTING CUANTO PLACA TA WORDO PAGA NA CONSEHERO- Y MARIONETANAN DI PRENSA

STA. CRUZ -- Bo por core cuanto cu bo kier nos grandinan tabata bisa semper pero ta yega un momento cu bo no por core mas. Esey ta loke cu ta pasando cu Mike Eman y su gobiernu pasobra poco poco e rosea cayente di pueblo ta yega na nan porta. Ki mishi un prome ministro ta bay para fuerte cu e no por duna cuenta di placa di belasting di pueblo cu ta wordo paga na supuesto conseheronan y miembronan di prensa, anto tur hende tin cu guli esaki manda abao. Den Parlamento tur ministro tin e obligacion di duna contesta na Parlamento ora cu esaki wordo pidi. E gobierno dictatorial di AVP ta kere cu pasobra nan tin 12 asiento plus, cu nan por haci y deshaci cu placa di pueblo. Mecos cu den tempo cu MEP tabata na mando cu informacionnan tabata leak pa prensa, esaki ta conta pa e gobierno di Mike Eman tambe. Ta hendenan cu tin cos di sconde so no ta duna cuenta ora cu nan wordo pidi pa haci tal. Un di e motibonan principal pakico Mike Eman y otro ministronan no por duna cuenta na Parlamento ta pasobra nan no por bay hustifica e miyonna cu nan ta malgastando. Riba dje e lista di nomber cu lo sali publica pronto pa pueblo haya sa, lo bay haci su impacto grandi. Pueblo

lo bay haya sa kende ta esnan di prensa cumpra y comprometi y cuanto nan ta haya tur luna. Den Reino Hulandes tin ley / jurisprudentie riba salarionan of pagonan haci door di gobierno na persona-y companianan cu despues a wordo declara nulo. Cos ta bay te hasta asina leu, cu un caso den corte por resulta cu esnan cu a haya pago pa cual nan no tabata tin ningun derecho, lo haya nan mes ta paga tur cos bek y te hasta cu nan por bay sera pa participa den actonan di corrupcion y enriquecimiento ilegal. Esey ta loke cu tin ministro- y parlamentarionan di AVP spanta pero e stoel di gobernacion y Parlamento no ta algo pa semper y ey ta caminda cu nan ta comete e eror historico unda nan ta kere di por keda na mando. Keriendo cu cumprando prensa y cierto gruponan den comunidad ta duna nan e posibilidad cu nan por keda na mando pa basta decada, ta haci cu nan ta meti den actonan cu no por soporta luz di dia. Ainda tanto ministronan como cierto chabalitonan di prensa ta kere di por tuma publico en general haci cu esnan di prensa cumpra ta viaha riba propio gastonan pa exterior ora cu nan viaha cu ministronan rond mundo.

Ta spera e motor nobo na Maart

MOTOR NOBO RECIP FASE III NO TA TRECE GASTO INESPERA PA WEB



STA. CRUZ -- Motor #9 den central nobo di RECIP na WEB Aruba NV cual a dañá na November ultimo,

“Root Cause Failure Analysis”, haci pa WEB hunto cu un facilitador externo y expertonan di e fabricante. Reemplazo di e motor ta cay bao garantia di Wärtsila. E motor nobo ta procedente for di Italia y lo yega Aruba den e di dos siman di Maart. Mientrastanto e team di WEB, hunto cu

y haci e caminda liber pa ricibi e motor nobo. Ta papiando aki di motornan colosal cu no por move y reemplaza den un rato di ora. Pa por haci e trabaonan aki no ta necesario pa para e proceso di generacion di coriente, pues lo no tin consecuencia den e sentido aki.

For di e investigacion a sali na cla cu ta trata di un defecto di fabricacion di e motor, cual no por a premira. Ta asina cu ta traha e tipo di motornan aki segun demanda. Aunke cu ta test e motornan profundamente prome cu aproba nan instalacion, semper ta keda un posibilidad minuscuro di fayo. Como parti di su maneho, WEB ta tuma tur tipo di precaucion pa su empleadonan.



lo keda reemplaza pa fabricante Wärtsila. Esaki a resulta di un investigacion tipo

contratistanan ta haci preparacion pa saca e motor cu a dañá for di e Recip central

**Comunicado! Comunicado!
Comunicado!**

URGENTE !! URGENTE !!

Pa medio di e comunicado aki directiva di “Sindicato di Trahadornan di Aruba” (S.T.A.) kier a invita tur e empleadonan di Thiel Corporation; Thiel Resources N.V.; ALBO Aruba N.V.; Arubaanse Wegenbouw Maatschappij N.V. pa acudi na un reunion cu caracter di urgencia ariba:

Fecha : 2 di Maart 2012 (diabierna)

Lugar : Sede di Simar (Sabana Blanco)

Ora : 04:30 – 05:30 P.M.

E puntonan di agenda:

1. Apertura.
2. Ultimo desaroyonan
3. Aprobacion pa accion
4. Palabra Liber
5. Clausura.

Acudi sin falta na e reunion aki cu caracter di urgencia cu lo determina futuro di boso trahadornan. Bini uno Bini tur !!!!!!!

Thinking about selling your unwanted Gold or Silver?

We are the answer!!

Quick Cash
A R U B A



TOP PRICE 4 GOLD - TODAY!

14K - 62.20 Fls.

18K - 77.75 Fls.



Located at Jucuri 66, Sta Cruz - Tel: 585-6558

Open: Monday to Saturday from 10am to 7pm

SEGUN BENNY NISBET, LIDER DI PPA:

KETO BAY GABINETE MIKE EMAN Y PARLAMENTO NO TA DUNANDO ATENCION DEBIDO NA E CONSECUENCIANAN DI HISAMENTO DI NIVEL DI LAMA

MESCOS CU PPA ... PROFESSOR SCHRAG DI HARVARD UNIVERSITY A PRONOSTICA CU PA 2050 TUR HOTEL NA ARUBA LO POR TA BAO DI AWA Y CU NOS LO POR PERDE UN PARTI GRANDI DI NOS BEACHNAN... PERO GABINETE MIKE EMAN Y PARLAMENTO TA KEDA DEN UN SILENCIO..



STA. CRUZ -- Partido PPA ta continua cu nos lucha pa concientiza Gobierno di Aruba, Parlamento di Aruba y nos comunidad Arubano di e peliger na horizonte pa e.o. Aruba a consecuencia di e asina yama hizamento di e nivel di lama (rising sea levels). Siman pasa e conocido "Huffington post" a publica un articulo di científiconan Cubano di 2011 cu ta bisa e.o. : "Cuban scientist calculate that median sea levels around the Caribbean nation will rise more than 30 inches by the end of the century due to global climate change, official media said Friday. Models predict the sea will rise 10 – inches (27 centimeters) by 2050

and 33.5 inches (85 centimeters by 2100". Mientras tanto ta conoci cu científiconan Internacional nan proyeccion ta cu lama lo subi ainda mas. "Internacional scientist predict 30 inches by 2050 and 75 inches (1m.90 cm) by the end of the century". Ta bon conoci cu tin un rapport cual a wordo traha algun aña pasa pa científiconan Ingles Fish, Gil, y Jones.... cu ta trata "Predicting the impact of Sea level Rise on Caribbean Sea Turtle Nesting Habitat".

Nos ta cita: "Up to 32% of the total Beach area could be lost with a 0.5 meter rise in sea level, with lower narrower beaches being the most vulnerable. Cual

ta significa cu ora ta trata un aumento asina Aruba su industria turistico lo ta den problema serio y si e aumento ta un poco mas e prediccion di Professor Schragg di Harvard ta bira un realidad.

Pesey PPA NO por comprende cu a wordo permiti pa construi mas Hotel banda di lama ??? Lo mester a construi awor un poco mas paden y mash alto!! En todo caso lo tin un motibo serio pakico Gabinete Mike Eman NO ta dedica atencion publico na e problematica aki y dentro di un otro declaracion nos lo dedica atencion na nos opinion pa cu esaki. En todo caso Aruba mescos cu mayoria isla den Caribe ta core un peliger cu e aumento di nivel di lama...diferencia ta cu mayoria Isla den Caribe ta haciendo algo ...ta preparando pa limita e daño cu lo por bin den futuro .. realidad ta cu bo NO por evita tur cos.... Pero bo por limita e daño si...locual lamentablemente NO tin prioridad di parti di Gabinete Mike Eman.

PARTIDO MEP CU TREMENDO RIFA DI AUTO 25 DI MAART



STA. CRUZ -- Luna di Maart ta un luna yen di actividad pa Partido Movimiento Electoral di Pueblo MEP. Dia 25 di Maart proximo e rifa lo hunga. 1er premio lo ta un Chevrolet Spark, MT 2012. 2do premio,

Flatscreen LCD 55"; 3er premio, APPLE Ipad. Pa apenas 5 florin bo tin chance di gana un di e tremendo premionan y na mes momento contribui na bo partido Movimiento Electoral di Pueblo.

TA HUUR - FOR RENT

Espacio comercial na **Sta. Cruz 36**. Situa: Ariba caminda principal di Sta. Cruz, net dilanti entrada principal pa Misa di Sta. Cruz. Cu bon Parkeerplaats. Bon pa Beauty Salon, oficina, tienda of cualkier negoshi. Ta huur completo of mitad. Tin espacio di **Afl. 650.00/Afl. 1100.00/Afl. 1500.00 mensual**. Pa informacion yama **739-0101 Ecro Real Estate**



Ministerio di Cultura ta duna apoyo na Miss Aruba World 2012 srta. Lucianette Verhoeks

Mirando e importancia di pone e Arubiano na altura di su cultura.

Ministerio di Cultura ta duna apoyo na Miss Aruba World 2012,

srta. Lucianette Verhoeks



STA. CRUZ -- Ministerio di cultura a ser acerca pa srta. Lucianette Verhoeks cu e peticion pa haya sa mas di nos cultura y con e por haya apoyo pa e por haci un diferencia representando Aruba na e certamen di Miss World cu lo tuma lugar na China e aña aki. Sr. Stanley Dabian di Ministerio di Cultura ta dunando asistencia y coordinando varios

cita cu fundacionnan, instancianan, museonan y Parke Nacional Arikok pa asina srta. Verhoeks por haya mas informacion y prepara su mes mihor pa representa nos pais. Srta. Lucianette Verhoeks a haya un tour for di sr. Norwin Maria, trahador na museo Arqueologico, kende a splica cu hopi entusiasmo tocante e coleccion di mas di 10.000

artefacto Amerindio cu ta cubri e Periodonan Cultural Pre-Ceramico, Ceramico y Historico y ta consisti di un variedad di material manera ceramica, cocolishi, piedra, weso y glas. For di 26 di Juli 2009 a tuma lugar e apertura oficial di e Museo Arqueologico Nacional Aruba door di Prinses Margriet van Vollenhoven. E coleccionnan ta inclui un cantidad grandi di artefacto cu ta expresa un bida Amerindio y spiritual como tambe e red grandi di comunicacion cu tabata conecta Aruba cu Europa, Mexico y Sur America Central. E personal cientifico ta investiga e coleccionnan, guia excavacionnan y preserva sitionan arqueologico clave incluyendo e pinturanan asombroso riba barancanan cu bo por encontra den Parke Nacional Arikok. Y awor nan ta haciendo trabaonan di excavacion y investigacion na un sitio na Santa Cruz. Despues srta. Verhoeks a sigui cu e tour na Museo Historico Arubano. Aki nan el' a haya informacionnan interesante for di sr. Mario Brown, kende a splica Miss Aruba World e historia di e Forti y Willem III Toren riba nos dushi isla Aruba. E Toren Willem III a ser traha den aña 1868 y tabatin e prome holoshi publico den Oranjestad. Prome e toren a sirbi como faro di luz. E lampi di petroleo a ser cendi pa prome biaha den aña 1869 riba fecha natalicio di e Rey Willem III. Y ta pa e motibo ey e toren a haya su nomber Toren Willem III. E toren a ser usa como Forti durante añanan, pero



door di e hopi actividadnan di comercio den e waf Oranjestad a bira capital di Aruba. E centro di e Gobierno local y simbolo di desaroyo di economia Arubano. Tambe e toren a ser usa como Forti, como oficina di gobierno, como postkantoor etc. Mario a conta Miss Aruba World

tocante e historia di e comercio, industria, di refinaria di Lago, Carnaval di Aruba, costumernan di antes, con nan tabata biba y pisca etc. Tabata un atardi hopi informativo pa srta. Verhoeks y kende a gradici sr. Mario Brown pa e tour y e informacionnan ricibi.



BENNY NISBET, LIDER DI PPA:

CON BIN GABINETE MIKE EMAN NO A ENVOLVI NI BISHITA E PAIS CU TA PRODUCI MAS 'CRUDO Y LNG GAS' DEN CARIBE?

TRINIDAD Y TOBAGO DEN E PROCESO??

GABINETE MIKE EMAN LO MESTER CLARIFICA ESAKI PA
NOS PUEBLO!!!!!!



STA. CRUZ -- Cu atencion partido PPA a sigui e forma cu Gabinete Mike Eman a atende e problematica di e eventual ciere di e refineria na Aruba di e compania Multi Nacional VALERO. Na prome lugar nos NO por lubida cu durante di campana electoral 2009, AVP a declara enfaticamente cu nan lo tin e solucion pa e problematica di e Refineria caba y tur locual pueblo lo mester haci ta vota AVP dimes. Mientras tanto durante di casi dos aña di Gobernacion... AVP su gobernacion a proba cu NINGUN momento nan tabata tin e solucion manera priminti. For di nan propio declaracionan nan a splica cu na December VALERO lo a informa nan como Gobierno cu situacion lo tabata hopi malo y cu nan lo tabata evaluando un eventual siere di e refineria. Ta despues

di e mensahe aki, Gabinete Mike Eman a cuminsa bula rond.... p.e. pa Venezuela, Brazil y Colombia en busca di un eventual solucion. Sinembargo tin algun cos hopi indicativo pa e situacion actual: Normalmente un propietario di un refineria cu kier bende nan mes ta e asina yama 'trekker' di e proceso pa purba bende. E hecho cu Gobierno M. Eman ta comosifera cu ta nan ta e asina yama 'trekker' di e proceso ta duna hopi claridad ... riba e conclusion cu VALERO ya caba a tuma. Sinembargo analizando e paisnan cu Gobierno di Aruba a bishita.... PPA ta puntra su mes di con Gobierno NO a haci un esfuerzo pa VALERO inverti den un 'catcracker' tempo cu Gobierno a yega na su 'deal' fiscal nobo cu VALERO ???????? Tambe partido PPA ta cuestiona e hecho cu mientras a bishita e paisnan manera Venezuela, Brazil y Colombia.... nos ta haya falta cu Gabinete Mike Eman NO a bishita "Trinidad y Tobago"e pais den Caribe cu ta produci MAS crudo y MAS gas. Mi kier a cita algun frase for di algun documento Internacional cu nos ta cita: "Contains the majority of the Caribbeans oil production. The largest

oil production in the Country is the state-owned Petroleum Company of XTrinidad and Tobago (Petrotrin). Other large producers includes BP Trinidad and BHP Billiton"

LIQUEFIED NATURAL GAS:

Trinidad and Tobago is the largest exporter of liquefied Natural Gas to the United States. Natural gas production in Trinidad and Tobago has climbed dramatically in recent years. In 2007 the country produced 1,4 Trillion cubic feet(Tcf) of natural gas, up 7 percent year – on years and over three times the level seen in 1997. Trinidad and Tobago is the largest supplier of LNG to the United States and one of the largest LNG exporters in the world.

PPA ta di opinion cu Gobierno Mike Eman debe nos pueblo Aruban un splicacion... con bin cu dentro di e crisis cu nos Refineria aki ta pasando den gobierno Mike Eman NO a tuma contacto cu e pais den Caribe cu ta produci mas ... crudo y gas....esta Trinidad y Tobago ?? Nos ta spera cu logra un solucion ainda.... Pero nos ta di opinion cu un aclaracion di parti di Gabinete Mike Eman con bin NO a bishita ni envolvi Gobierno di Trinidad y Tobago.

Magic FM awe nochi ta presenta un tremendo "MAGICAL TRIBUTE" to Whitney Houston !



STA. CRUZ -- Awe promer di Maart, Magic Fm lo presenta un homenahe special na e gran cantante Whitney Houston kende 2 siman pasa a fayece! Broadcasting Queen Erin Croes, hunto cu e team profesional di Magic FM encabeza pa Reno Irausquin, a prepara un Top 40 di Whitney su mihor temanan y alavez tambe lo bo scucha varios segmento unda lo conta poco di su inicio, su añanan di gloria, su amornan, su pelicularnan, su adiccion na droga, su regreso y tambe su morto ! Palabranan di esnan cu a conoce, cu a traha cune, hasta su propio palabranan den varios entrevista

! Whitney Houston un artista cu a acapara mundo cu su voz! Awe tardi ya caba for di 6or na Mc Café na McDonalds na Palm Beach e transmision special aki lo ta den aire atraves di Magic Fm. Prepara un ambiente cozy na bocas y enjoy e programa special aki cu Magic FM a prepara cu yen di profesionalismo. E programam special aki a ser prepara cu e debido respet na un artista di taya manera Whitney Houston! Den number di Clifix Musical Instruments, Aruba Trading Company cu biñanan Sutter Homes y Mc Café nos ta invitabo....

Diadomingo awor riba Veld di Nacional na Noord

DIGICEL CU TREMEMDO OFERTA Y AMBIENTE PA GRANDI Y CHIKITO

Venta di celular ta bay compaña cu BBQ



STA. CRUZ -- Riba diadomingo mayoria hende ta busca un caminda pa bay disfruta cu nan famia y pasa ratonan agradabel. Digicel, como e compania di celular cu e red di mas grandi, mas mihor y awor mas liher tambe, semper ta pensa con pa sigui complace su clientenan y alavez trece nan hunto como un gran famia. P'esey mes Digicel ta invita henter pueblo pa bin goza di tremendo ofertanan riba diferente modelo di celular, banda di un soculento BBQ. Por ehempel, e famoso modelonan BlackBerry ta cuminsa for di apenas Afl.225,- of otro modelo di Nokia, e.o.

Nokia 5530 pa Afl. 99 of Nokia E72 pa solamente Afl. 209 y asina por

sigui menciona mas. E evento lo tuma lugar diadomingo awor dia 4 di Maart 2012 riba Veld di Nacional na Noord, cuminsando for di 11'or di mainta te cu 6'or di atardi. Tambe lo tin animacion musical di un 'live DJ' y Digicel no ta lubida riba e chikitinan y a prepara un 'kids corner' cu Dino Jump pa tur mucha presente tambe por disfruta di e dia. Como bonus, cada compra cu e clientenan haci, nan lo ricibi un bunita regalo di Digicel. Pues abo y bo famia bin diadomingo awor y disfruta cu e famia grandi y dinamico di Digicel y probecha di nan ofertanan y ricibi regalonan al instante.

TUR COS CU A SOBRA NA KOOYMAN DAKOTA MESTER BAY!

KOOYMAN DAKOTA CU PRIJSNAN ESPECTACULAR RIBA STOCK BIEU

Diasabra awor 3 di Maart lo tin un baratiyo riba e stock di Kooyman Dakota



STA. CRUZ -- Ya ta un paar di luna cu a inaugura e KOOYMAN MEGASTORE nobo na Primavera cu exito. Den e store nobo aki a pone hopi enfasis riba mehora con e cliente ta shop, servicionan y a agrega diferente departamento nobo. Reaccionnan di clientenan ta hopi bon. "Den e edificio bieu na Dakota nos a sobra diferente productonan cu a cambia of a sali for di stock, entre otro bulto di

madera cu nos clientenan por probecha di dje pa ultimo biaha. Pa e motibo aki nos a dicidi di organiza e Baratiyo na Dakota. Mester haci e edificio bashi, pues tur e stock di bieu na Dakota mester bay. Lo tin descuento riba e productonan aki te cu 75%. Nos ta invita tur cliente pa bin probecha di e Baratiyo aki. Pues pasa pa bo wak si tin algo pa bo tambe. Diasabra awor di 8 AM pa 6 PM".

Celebra bo Santa Comunion den Style

The Promenade RESTAURANT

Promenade Restaurant
ta ofrece paketenan atractivo pa hasi bo
celebracion un exito

- *Custom Menus
- *Inside & outside Terrace seating
- *Affordable prices

Make your own package!

L.G. Smith Blvd. 160, Sun Plaza Mall
E-mail: promenade@setarnet.aw
Visit us at: www.promenadearuba.com

For Reservations

Tel: (297) 583-8899

Cera conoci cu e participantenan di Felipe Fest 2012

Organisa pa Colegio Felipe B. Tromp ONDERBOUW KLAS 1 TE CU 3

Durante pauze lo bay tin aprota na Colegio Felipe



Participante nr. 1
Jurissa Gibbs
'Mi ta pober'



Participante nr. 2
Juan Jose Cordoba
'Tur mainta'



Participante nr. 3
Leyla Orman
'E cabrito chikito'



Participante nr. 4
Lenny Espinal
'E pato'



Participante nr. 5
Kaithlyn Henriquez
'Sapate'



Participante nr. 6
Jaydienne Croes
'Yuwana Ana'

Pa di tercer biaha cu Colegio Felipe B. Tromp ta organisa su Felipe Fest, caminda cu alumnonan di e school ta representa na klas cantando nos canticnan di semper for di e buki "Nos ta canta". Festival ta parti den categoria di 1ste te cu 3de klas y di

4de te cu 6de klas.

Meta di nos festival ta pa promove nos cultura den nos muchanan banda cu e actividad ta pa nos por recauda fondo pa diferente proyectonan di school, e.o. finalisa "Ons Felepito Speeltuintje"

Cada participante ta

wordo acompaña pa un baile of sketch cu ta bao encargo di e gruponan di baile "Kids to kids" y "Sunrise Dancers". E Sketch y baile contemporaneo ta bao encargo di e maestronan Mario Flores y Janira Wernet.

presentacion di e koro St. Anna tambe di "De Trupialen".

Pueblo di Aruba ta keda cordialmente invita pa diabierna awor 02 di Maart 2012 for di 6 or pa 9 or di anochi pa bin apoya cada un di e participantenan aki y

B. Tromp

Entrada general ta 3.00 florin serca tur participante y alumno di school. Entrada pa auto den cura di school ta 2.00 ta paga esaki na entrada di e cura.



Participante nr. 1
Sherry Maduro
'Baila cu mi'



Participante nr. 2
Sarven Soerowidjojo
'E palo di mango'



Participante nr. 3
Selienne Gutierrez
'Mi coleccion di popchi'



Participante nr. 4
Rudjenira Croes
'Chanita'



Participante nr. 5
Jerick Kelly
'Silencio di Naturalesa'



Participante nr. 6
Myron Boekhoudt
'Orjunchi'

Invitacion

Ami JadyCroes ta invita tur mi amiguito y amiguitanan y pueblo di Aruba y di Noord pa bin mira nos canta den e Felipe Fest.

awetardi na School Felipe B Tromp na Noord cuminsando

di 6:00pm te cu 9:00pm.


Mi ta representa mi klas 2B di Juffrouw Rebeca y mi cancion ta Juwana Ana.

Hopi exito na tur e cantantenan awe tardi.

With love Jady Croes.



Participante nr. 6
Jaydienne Croes
'Yuwana Ana'



Drs. Adi Rasmijn:

DI CON IGLESIA TA CONTRA EUTANASIA – UN ANALISIS DI NAN ARGUMENTONAN, parti 2

Den e prome parti di e articulo aki nos a mira cu e argumentonan di Iglesia contra eutanasia (activo) no tin mucho contenido y validez. Awor nos lo muestra e otro banda di e moneda di Vaticano

Na final di e documento mas importante encunto nos tema (DoE) Vaticano ta lanza algun consideracion cu cerca mayoria di e creyentenan devoto lo causa un verdadero ‘shock’ y pa otronan lo ta un ‘eye-opener’. Lo mi cita dicho texto unda cu por literalmente y acentua aki aya algun pida. Despues di un cantidad grandi di palabra cu ta pone bon cla cu eutanasia ta algo absolutamente di rechaza, Vaticano ta haci e pregunta: “¿Pero se deberá recurrir, en todas las circunstancias, a toda clase de remedios posibles?” (pues pa salva e bida di un persona). Contesta: “..... se podrán valorar bien los medios poniendo en comparación el tipo de terapia, el grado de dificultad y de riesgo que comporta, los gastos necesarios y las posibilidades de aplicación con el resultado que se puede esperar de todo ello, teniendo en cuenta las condiciones del enfermo y sus fuerzas físicas y morales. no se puede imponer a nadie (pues e pashent) la obligación de recurrir a un tipo de cura que, aunque ya esté en uso, todavía no está libre de peligro o es demasiado costosa (NB: den e texto ingles ta para ‘burdensome’). Su rechazo no equivale al suicidio: significa más bien una simple aceptación de la condición humana (na caminda pa fayece), o deseo de evitar la puesta en práctica de un dispositivo médico desproporcionado a los resultados que se podrían esperar, o bien una voluntad de no imponer gastos excesivamente pesados a la familia o la colectividad. Ante la inminencia de una muerte inevitable, a pesar de los medios empleados, es lícito en conciencia (ta permisibel) tomar la decisión de renunciar a unos tratamientos que procurarían únicamente una prolongación precaria y penosa de la existencia, Por esto, el médico no tiene motivo de angustia, como si no hubiera prestado asistencia a una persona en peligro”. E conclusion mester ta cu Iglesia catolica tin un opinion mucho mas equilibra y realistico encunto eutanasia cu mayoria di e creyentenan ignorante ta kere; e no ta contra eutanasia pasivo. Esaki ta significa cu e argumentonan analisa mester ta contra e forma activo di eutanasia – pero ya nos a mira cu tur cinco ta masha fofo mes. Oke, despues cu bo a coy lanta bo cachete for di vloer y a recupera un poko for di un spanto grandi, mi ta desea di haci e siguiente preguntanan:

1. Con grandi e gastonan medico ta pa e categoria di pashent entre 0 y 19 año? Idem pa e categoria entre 20 y 39 año, 40 pa 59 y entre 60 y 80? Y di cuanto pashent ta trata den cada categoria?

2. Cuanto pashent en averahe pa año ta den e intensive care unit (ICU) di nos hospital sin posibilidad real pa mehoracion – tení na bida pa medio di tur sorto di mashin? Kit’e for di e mashinnan y pronto e lo “muda pa e otro banda” (na unda e bida lo continua y probablemente lo ta mucho mas facil – en todo caso liber di dolor). Y esaki lo ta completamente de acuerdo cu loke Iglesia catolica ta siña encunto eutanasia!

3. Cuanto e gastonan ta pa tene e pashentnan-sin-possibilidad-real-pa-mehoracion na bida – gastonan paga

pa AZV, pues pa e comunidad henter. Cual categoria di edad ta haci mas tanto uso di ICU? Na prome instancia bo lo pensa riba e delastro (esta, esnan riba 60); cual ta su parti den e totalidad di e gastonan di ICU (%)? Mirando e envehecimento di nos poblacion, bo por conta cu e gastonan aki lo aumenta considerablemente den e diez añanan venidero. Kisas ta bira tempo pa e familiarnan masha irrazonable di un pashent sin posibilidad pa mehoracion, ser obliga pa yuda cubri e gastonan – of te hasta paga pa nan enteramente. Pasobra tanten nan no sinti e consecuencia di nan comportacion den nan propio cartera, nan lo sigui exige cosnan absurdo y ridiculo di hospital y di AZV.

4. Un cierto persona (Dannion Brinkley – At Peace in the Light) a experencia sin lugar pa duda, cu si bo kita e miedo pa muri for di e pashentnan muribundo, nan lo ‘bay’ mucho mas rapido y cu un paz grandi. Ta mas tanto e miedo aki ta haci cu mayoria di hende ta keda mara nan mes desesperadamente na e bida aki – no sabiendo kiko lo spera nan ‘na e otro banda’ (oei, kisas fierno!). Di otro banda mi ta desea di sali na vanguardia di esnan cu no tin miedo di muri, cu tin e conviccion grandi cu nan a cumpli cu nan tarea di bida y cu pa nan esaki ta cla y consecuentemente tin e deseo intenso pa ‘bay’. Laga nos stop di trata e hendenan aki manera cos nan ta mucha chikito, obstaculisa nan y laga nos sikiera un vez verdaderamente respeta nan escohencia – y yuda nan den esey. Pues cu esaki tambe e gobernantenan ta ser cordialmente invita pa traha e leynan necesario. Posibel susto pa perde voto den e siguiente eleccion, lo desaparece rapidamente si bo mira bo mes un rato como un mata den cama (den estado vegetativo) – of un pashent Alzheimer cu ta totalmente perdi den su mundo straño.

Fuentenan consulta:

- Declaration on Euthanasia (DoE), Rome, mei 1980;
- Address of his holiness Benedict XVI to participants in the 22nd International Congress of the Pontifical Council for Health Pastoral Care (HPC), november 2007;
- Legalizing euthanasia for children in the Netherlands (LEN), msgr. Elio Sgreccia, Rome;
- Toespraak paus Johannes Paulus II voor European Academy of Anaesthesiology, 1988;
- Letter pope JP II to the Eldery’, 1999;
- Respect for the dignity of the Dying, Rome, dec. 2000 – Juan de Dios Vial Correa;
- Katechismus van de Katholieke Kerk;
- Uit Wikipedia o.a.: Euthanasia, Euthanasia in Switzerland, Right to Die;
- Verder van het Internet o.a. informatie betreffende The Peaceful Pill Handbook; website Uit Vrije Wil; Nieuwsuur van 13 oktober 2011 met thema ‘Mag de patient nog sterven?’; ‘60 Minutes’ van 8 augustus 2010 met thema ‘The Cost of Dying’; Pauw&Witteveen 23 di febr. 2012, caso Martron.

CU TANTO CONSEHERO Y EXPERTO MINISTERIO PUBLICO Y MINISTRO DOWERS A PEGA BARCO CU E CASO DI TIROTEO

STA. CRUZ -- Rond mundo ora cu casonan grandi tuma lugar, gobierno y departamentonan di gobierno ta planea nan conferencia di prensa bon detaya prome cu bay den publicidad y sigur ora cu hende a wordo tira mata door di polis. E siman aki den sala di Parlamento un biaha mas prome ministro Mike Eman a nenga di duna cuenta encuan to placa cu ta wordo presupuesta pa supuesto expertonan. Ta miyones di placa di pueblo ta wordo paga na supuesto expertonan pero ningun hende sa kende nan ta, ningun hende sa cuanto nan ta haya na pago y pa kico y cuanto trabao nan ta haci y si nan ta duna resultado positivo pa cu e placa cu

nan ta haya. E caso di e e debacle di Ministerio Publico hunto cu hefe di polis y ministro Dowers encuan to dunamento di informacion riba e caso di tiroteo, awor ta lanta preguntanan den pueblo. Con por tabata posibel cu un gobierno cu ta gasta tanto miyones na tur sorto di experto y coordinador, cu nan por a comete un pifia di publicidad asina grandi cu e caso di tiramento? No por ta asina cu un gobierno cu ta gasta tanto placa na tur sorto di experto cu nan ta atende un caso asina pisa manera esun unda dos Colombiano a wordo tira mata anto ministro di husticia mes pa participa den un acto no profesional y bergonzoso.

Opinion Publico BO TA KERE TA HUSTO?!

STA. CRUZ -- Door cu Parlamento di Aruba ta secuestra door di 14 marioneta (12 di AVP y 2 ex - MEP cu a bira AVP Plus) y e gobierno di dictadura di Mike Eman ta dicta ciegame nte den Parlamento, pueblo no tin voz via su otro representantenan den Parlamento. Danki Dios cu ainda a resta algun medio di comunicacion cu no ta comprometi y totalmente cumpra door di gobierno,

manera Solo di Pueblo, den cual pueblo por trece padilanti su preocupacionnan y exige pa haya su derecho. Seccion 'Bo ta kere ta husto' ta duna espacio na tur ciudadano cu ta wak con abiertamente nan derechonan ta wordo trapa door di e dictadura di AVP den gobierno y den Parlamento, e caminda pa cana pa muestra kico ta pasando na Aruba.

ESNAN CU A VOTA PA AVP NO POR TRIBI DI CUESTIONA

STA. CRUZ -- Durante campaña esnan cu awor ta parlamentario y ministro di AVP no a bisa publico en general cu na momento nan drenta gobierno y Parlamento, nan por haci y lo haci y deshaci tambe sin cu un solo alma por reclama. Esey ta e conclusion cu cada ken por saca di e forma di reacciona di parlamentarionan di AVP den Parlamento y tambe esnan cu ta den gobierno na momento cu pueblo kier claridad riba e forma con su placa ta wordo gasta y sigur malgasta. Te hasta presidente di bond di polis a haya

bofta den cara ora cu parlamentario di AVP, Clarisca a bay tilde di ta meti den politica y cu e lo bay ta riba lista di MEP. Presidente di SPA awor a haya sa y e mes a sinti den carni bibo kico ta e actitud y e forma di trata hende di e gobierno di AVP ta. Den campaña tur cos pa pueblo tabata posibel pa AVP, pero awor cu nan no por cumpli cu nada cu nan a priminti, nan no kier tende nada di reclamo y menos critica. Nan a priminti cu lo baha prijs di awa, coriente, lo kita BBO en noem maar op y nada nan a cumpli cune.

Loke si nan a cumpli cune ta, esnan cu tur luna ta haya nan cheque di 10 mil bay ariba y cu te hasta via radio emisora live den transmision, boca y transmision ta slip. Friends and family y tur otro pais cu ta saca beneficio miyonario di Aruba. Mientras cu pueblo ta sangra muri cu gastonan haltisimo di costo di bida, gobierno di AVP ta sigui haci y deshaci pero ningun hende incluyendo esnan cu a vota pa AVP no mester tribi di kere di por critica.

Fundraising



**Bini uno, bini tur y
yuda coopera cu nos
evento caritativo pa nos
amigo, colega, tata,
casa, yui y ruman ABBY
IRONMAN pa e por
buska su salud aya na
Hulanda.**

Fecha: 4 di maart 2012

Lugar: Hoffi Chona (despues di Keyla boutique na paradera, banda drechi di caminda)

Horario: 11:30am en adelante.

***Ariba e dia aki lo bai tin
caha di orgel,
un banda, dj y
un bar cu cushina bon surti***



TA BUSCA

TUMAZU

BAR DISCO & POOL ROOM

2 BAR TENDER

EDAD ENTRE 25 PA 40 AÑA

PERSONA DI CONTACTO

MR.NEDD

TEL:560-8373 ENTRE:7-9PM

PROME CU SOLICITA OF YAMA,

MESTER PASA REGISTRA NA

PLSEROE BLANCO 4,

CU UN CEDULA OF PAPEL DI AFLS.5,-- DI
REGISTRO CIVIL

ENTRE 7:30-11:00 MAINTA DI DIALUNA PA
DIABIERNA

TA BUSCA

JAVINAND. N.V

CELL. 7427707

PERSONA DI CONTACTO

SR. HENRICH.

TA BUSCA UN KNIPSCHAAR.

PROME CU JAMA MESTER PASA
REGRISTRA NA D.P.L SERO BLANCO

#4 CU BO CEDULA OF PAPEL DI
CENSO 5,- DI REGISTRO CIVIL ENTRE
7.30-11.00 MAINTA DI DIALUNA PA
DIABIERNA

TA BUSCA

SCORPION WATCH REPAIR TA
BUSCA UN HORLOGE MAKER.

PROME CU YAMA MESTER
PASA REGISTRA NA D.P.L.
SEROE BLANCO #4. CU BO
CEDULA OF PAPEL (CENSO
5,-) DI REGISTRO CIVIL ENTRE
7.30-11OR MAINTA DI DIALUNA
PA DIABIERNA. CELL.5655223,
PERSONA DI CONTACTO
"SHIRLEY"

Resutado di Fedeveta 40+ y schedule di e inicio di 50 Ultimo campeonato di Fedeveta 40+ 2012 a start sali riba 3 diferente



STA. CRUZ -- Tereno. Riba tereno di Caiquetio Arusur y Inter a keda empata na 1 gol pa banda, Alexis Mendoza y Kun Ernesto ta esnan cu a score. Roma a score 4 biaha pa gana Teachers pa cero, Nyles Oduber, Sedney Mongen Frenel Geertruida y Giovanni Lopez, a logra vence e keeper di Teachers. E otro wega Arusur Athletics a vence Hooiberg 4 pa 1, cu golnan di G. Moncaleano 2x, W. Bant y Gerbert Briesen, pa Hooiberg Randolph Tromp a salba honor. Na veld di Bubali e team di Bubali a logra nan prome 3 puntonan ora nan ta gana di San Luis 3 pa 0. A anota pa Bubali Elvin Geerman, Eugenio Paesch y Clement

Krozendijk. E di dos wega entre SCA y Rooi Afo a keda empata na 0 gol. Durante e wega aki Pedro Thode a hanja carchi cora, y automaticamente e mester sinta e proximo wega di 40 wardando decision di strafcommissie. E ultimo wega entre Nacional y Caravel a wordo gana

facilmente pa Nacional pa motibo cu Caravel no por a presenta cu minimal 8 hungador riba tereno. Caravel ta core e risico cu si nan bolbe keda sin presenta, e team lo wordo exclui for di e campeonato y ademas mester paga un multa manera stipula den reglamento. Na tereno di RCA tawatin un solo wega y bai entre Barcelona y Jong Brazil, cual partido a keda empata na 2 gol pa banda. Pa Barcelona a score Frydma Montoya y Pascual Ras, mientras Francisco Gomes y Julio Narvaez pa Jong Brazil. Refereenan cu a dirigi e weganan tawata Ismael Matos, Mai Lampe, Aubrey Maduro, Luis Zambrano, Eugene Farro, Ernst Mohamed y Mando Boekhoudt. Pa diasabra awor e campeonato di 50+ ta inicia cu 3 wega riba tereno di Bubali, pa 5.30 Bubali vs Nacional, pa 6.45 Roma vs San Luis y pa 8.00 ArusurAtl vs Inter. Na veld di Estrella pa 5.30 Barcelona vs Brittania, pa 6.45 Jong Brazil vs Caravel y pa .8.00or SCA vs Teachers. Manera semper e pasa boca y liquido lo ta bon surti. Directiva di Fedeveta te desea tur hende un bon siman y un felis weekend deportivo.



BUBALI A GANA RIVERPLATE 2-1 Y ESTRELLA A EMPATA CU LA FAMA DEN TEMPO DI LESION



STA. CRUZ -- Diadomingo tabata tin dos wega di futbol den Division di Honor den Compleho Deportivo Frans Figaroa. E prome tabata entre e orguyonan di Noord Bubali vs Riverplate di Madiki. Un publico aceptabel a bin pa apoya nan equipo favorito. Bubali presenta cu varios prospecto den su alineanan cu poco-poco ta hayando e calor di Division di Honor. Riverplate tambe ta un equipo hoben, pero cu no por a soporta e presion di e delanteronan veloz di Bubali. Bubali ta sali victorioso cu score di 2-1. Golnan a ser anota pa Tyron Maria y Mark "Smily" Melrose. E di dos wega tabata Estrella cu a enfrenta La Fama cu a bin por todo pa bay cu un victoria y casi a logra. Den di 25 minuut di wega

La Fama a bay ariba cu gol di Gijssbertha. Estrella no a duna pa perde y a podera e tereno di La Fama, pero no a logra score. Na di 35 minuut La Fama a haya oportunidad pa anota, pero tabata tin bon reaccion di portero Mackay cu a salba Estrella di un otro gol mas. La Fama a forma un atake cu a resulta riba hala robez pa Smily haci un voorzet cu a resulta net patras di portero Mackay, pa La Fama bay ariba 2-0. Na di di 86 minuut Estrella ta haya un penalty cu ta wordo cobra pa Anuar Kock y a haci e score 2-1. Den tempo di lesion Estrella a logra anota un otro gol door di Carlos Geerman durante un scaramouche pa asina trece un empate na 2-2, cu cual score e wega a termina tambe. Tabata un wega basta

aceptabel cu varios bon combinacion y cambianan di wega pa bandanan lateral. Tabata tin varios infraccion cu tabata merece un kaarchi, specialmente pa motibo di atakenan di patras. E partido a wordo dirigi pa Arley Quintero, asisti pa Eugene Farro y Matos y na mesa tabata Mildred Wever. E proximo wega di division honor lo ta diahuebs dia 1 mrt entre Caravel y RCA den CDGT y tambe diabierna, diasabra y daidomingo. Division uno tambe lo

ta diahuebs, diabierna,



ICE BERG SAVANETA

TA PRESENTA

DIABIERN 24 FEBRUARI 2012

ICE BERG MUSIC & BADU BAND

9PM - 3AM - ENTRADA : AFLS. 5.00

DIASABRA 25 FEBRUARY 2012 - ZETA BAND & PLEZI MIZIK

ENTRADA: FLS. 7.50

9PM - 3AM DIADOMINGO 26 FEBRUARY 2012

"SUNDAY LOCO HAPPY HOUR"


IMPAK & DJ. MONDITO

9PM - 1AM - ENTRADA: FLS. 5.00

E BAR TA HABRI TUR DIA FOR DI 4PM TE LAAT ANOCHI

E RESTAURANT TA HABRI PA LUNCH TUR DIABINI UN BINI TUR BIN PASA DUSHI NA ICEBERG SAVANETA

BlackBerry® available from SETAR. Get Yours at all SETAR Teleshops.



The Aruban Chef

Mas hopi biaha bo come, Mas lihe bo ta den avion.

Cu cada afi 50 cu bo gasta na The Aruban Chef bo ta haya un Ticket pa bo por participa den e campaña di come y biaha cu The Aruban Chef.

E siguiente Campaña pa gana cu The Aruban Chef lo start 30 January 2012 y lo termina 25 di Maart 2012 cual premio lo ta "WWE Wrestlemania 28" ... Pasashi pa Miami pa 2 persona ida y vuelta, 4 dia di estadia paga na Howard Johnson Hotel Plaza (Hialeah) tax inclui, Transport di Airport pa Hotel y di Hotel pa Airport, Transport di Hotel pa Sun Life Stadium y di Sun Life Stadium pa Hotel, Entrada pa 2 persona na WWE Wrestlemania 28.

WRESTLEMANIA XXVIII
Miami, Florida
Sunday, April 1
2012

Tanki Leendert # 247 B
Tel: 587-9300 / Fax: 587-9303 / thearubanchef@gmail.com

Estrella Taekwondo a tene examen pa faha nobo



STA. CRUZ -- Diamars 28 Februari atardi 18:00 Estrella Taekwondo Center a tene su examen na club Estrella Sta Cruz pa cambio di color di banchi, cual a bay exitosamente. Un total di 30 mucha, tanto grandi y chikito a participa na e examen. Muchanan di 4 pa 12 aña a pasa examen pa cambio di banchi blanco pa geel, cual a cuminsa haci nan examen cu blocknan y techniek. Despues a

cuminsa cu e muchanan di banchi berde bay ariba pa ultimo grupo di 12 aña pariba. Mucha grandinan a cuminsa similar cu e chiquito nan cu algo extra di poomsae y kibramento di palo cu tur alumno nan di Estrella a logra kibra y pa final un 6 alumno a participa na un competencia chikito di poomsae unda cu Marc-Andrew a sali e ganador di Estrella Taekwondo Center un tremendo actuacion di

Marc. Examen a wordo Taekwondo ta gradici tur duna pa Kyobunim: Lino represente y alumnonan roberts, Angelo Bikker cu a participa durante e y Leo Dirksz. Estrella examen.

TA DUNA SERVICIO

DI CHAPI, TIRA SUSHI AFOR

TA CORTA TUR TIPO DI MATA Y YERBE. TA DUNA TUR TIPO DI MATA Y YERBA. TA DUNA TUR TIPO DI MANTENCION Y RENOVACION DI CAS OF NEGOSHI TA VERF. TA DRECHA DAK Y NOS TA HACI TRABAO DI HANDY MAN TAMBE. YAMA NOS LIBERMENTE NA **562-6687 OF 743-4708**

PEST CONTROL

Si bo tin problema cu Houtluis, no warda pa nan caba cu bo cas, yama e

expertonan di Primito Pest Control and Landscaping.

Primito Pest Control ta e UNICO cu por dunabo E bon-trabao y e

garantia cu ABO merece.

Pa e luna di Februari Primito Pest Control ta ofrece 5 % di descuento

riba tur trabaonan di Houtluis.

Tambe Primito ta introduci su servicio nobo di Weed Killer.

Pa SOLAMENTE 90 florin nos ta spuit full bo cura cu Weed Killer y

asina mata tur e yerbanan indesea.

Primito Pest Control and Landscaping ta habri 7 dia pa siman for di

7'or di mainta pa 7'or di anochi.

Yama Primito Pest Control libremente na 741-0000 pa un quotation

GRATIS sin niun obligacion.

Telefonnan importante:

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupiaal	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147

Agencia Funeral:

The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muher	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na Warda pa bao di Brug:

Horacio Oduber Hospital:
Februari 18-25
Botica Eagle
527-4000

Dokter y Botica na Warda pa riba di Brug:

Centro Medico
524-8833

NO. 1 DEN LOTERIA					
CADENA ALEXANDER			FECHA : 29 FEBRUARI 2012		
STO.DOM	CORSOW	DIARIO	SUPER 4	LOT/CAT	BIG 4
	2993	0693	2248	2366	1794
	2432	2966		4093	
	8457	2634		0206	
4 SKINA	2387	0324			
LOTTO		03-22-23-26-32			
JOKER		13			
LETTER FREE		E			
ZODIAC		0921 Aries			



CLASIFICADO

TA BENDE

Un walk in cooler/ freezer industrial di marca Kolpak


7' 8" x 11' 7" x 8' 3.75" walk in cooler

Manual sliding door / white finish / 2hp refrigeration

Afl. 18.000.00 discutible

Excelente pa restaurant of pa tene producto friu

Contact: 739-0101



**Ta busca un
peluquera estilista
cu experiencia**

Pasa personalmente na
Centro Comercial Noord # 82
of yama 5867272 / 7303327 pa un afspraak.

TA BUSCA

Un porta: Roll up/ Roll
down pa instala na un
warehouse.

Hanchura
aproximadamente entre
10 pia, 3 meter.

Contact 739-0101

TA BENDE

GORDURA WATAPANA

10 FLS HEMCHI

5 GALLON

VERF+CHAPI CURA

15 FLS PA ORA

YAMA **593-8620** /

585-8101

PUNTRA PA MIKE.

Oportunidad pa trabao

Pizza Bobs ta buscando

Dishwasher y

Nightcleaner

Yama ibrememente **5928697**

Ta hasi cura limpi

verf y mantene

cura pa aflu 15,- pa

ora .jama 5858101

of 5604620

puntra pa mike.

TA BENDE

Un Ford Explorer

1998, start core of

pa parts.

Ta bende masha
barata. Afl. 2500.00

Yama: 592-6895

FOR RENT

Commercial Space

na Noord 6 X 20

M2 = 120M2

Den mesun edificio

di Botica Noord

Prijs atractivo

Yama 7307000

TA BENDE

Nos ta recoge bo
auto bieu y tira afor.

Yama nos na:

562-5282

Servicio rapido!

TA BENDE

Un Mitsubishi Galant 1997

Color shinishi, Automatic, Airco, Power Windows, Power

Steering, Reem

15", Prijs solamente

5.500,- of mihor

oferta! Interesado

serio call: **592-6080**

entre 4pm - 7pm



FOR RENT

Beautiful apartment

located in Westpunt

13-K , appt. no.3, 2

bedrooms, kitchen

full-equipped, price

Afl. 1200,--, phone

594-1402

FOR SALE

By owner, un
apartamento 2 kamer,
baño, cushina y sala.

Tereno propio situa
den vecindario di Hotel.

Vraagprijs Afl. 125000.

Yama 7307000.

TA BENDE

2 Cashi pa

Cushine

(pa muraya)

1 desk chiquito

Yama: **563-2332**

TA BENDE

TERENO NA

STA. CRUZ

TA BENDE TERENO

BON UBICA NA

STA. CRUZ

Na Pabilon, cerca di

caminda grandi.

622m2

Call: **730-7000**

TA HASI LIMPIESA

ta chapi , corta
mata,limpia coco, pest
control y tira sushi afo .

tambe mantene jardin .

pone bo prijs . !

tel: 7427159.

Urataca center

Pan cayente

tur atardi

4:30 p.m. di

Dialuna pa

Diasabra

PUEBLO A HAÑA SU PEN BEK

Pa kualkier informacion
solodipueblo@gmail.com

of
585-9500



Medical & Home Healthcare Services

Av. Milo Croes 52, Dakota - Aruba

Tel. 582 6651 / Fax 582 6567

BUSCA TUR BO PRODUCTIONAN DIABETICO

Manera:

Diabetic Hand, Elbow & Knee Lotion

Diabetic Face Care

Diabetic Nail & Finger Cream

Diabetic Foot Massage Cream

Diabetic Key Chain (Jabero)

Diabetic Bracelet and Necklace (Armband i Cadena)

Special Medical Diabetic Shoes

Gluc Perfect (Machine pa test sucu den sanger.)

Labco Medical
lider den productionan
Diabetico na Aruba

TA BENDE

CHEVROLET CAVALIER

1996 AUTOMATIC,

AIRCO, POWERWINDWS,

POWER STEERING, ABS

BRAKES, AIRBAGS DEN

HOPI BON CONDICION.

PRIJS AFL 3800,-. PA

MAS INFORMACION

YAMA 5647989.

TA HUUR

CAS DEN CURASON DI

SANTA CRUZ, CURA DEN BON

VECINDARIO, 3BEDROOM

2BATHROOMS, SALA, COMEDO,

CUSHINA PORCH DILANTI.

1 LUNA DI DESPOSIT AWA,

CORIENTE, GAS TA APART.

29 FEB PADILANTI

CELL 7334904

ANGOCHI 7B

TA BENDE

SCOOTER

KEEWAY 2009.

PA MAS INFO

YAMA CEL:

567-2314

TA BENDE

CHEVROLET CAVALIER

1996 AUTOMATIC, AIRCO,

POWERWINDWS, POWER

STEERING, ABS BRAKES,

AIRBAGS DEN HOPI

BON CONDICION. PRIJS

AFL 3.800,-. PA MAS

INFORMACION YAMA

564-7989

Ta bende:

3 Point of Sale terminal,

RADIANT P1210,

touchscreen. Sistema

electronico pa registra

benta cu ta wordo usa

pa maneja restaurant

of bar. Ta wordo usa

cu e popular software

ALOHA. Tur 3 ta den

bon condicion. Tabata den uso di 2007 pa

2008, solamente 1 aña. Afl. 2000.00 pa un,



Aruba Softball Bond tin su campeon den AA Masculino

Royal Power ta titula campeon

SubCampeon: Montaña Braves
Jimmy Tromp fabuloso riba monticulo y Eldrick Dijkhoff MVP



Team Royal Power campeon 2012




ASB cu premionan AA 2012



Royal Power Poy Maca y Chipen premio champion pitcher 2012



Team Montaña Braves sub campeon 2012



Umpire Canades Dave Ogilvie y Felis 2012

STA. CRUZ -- Diamars anochi riba un veld di Kudawecha yena cu fanaticada e dos equiponan rival a topa otro pa di 4 biaha den e serie final di best out of 5. Manera prensa deportivo a publica desde siman pasa, diarazon e serie aki a cuminsa unda Royal Power a gana e promer partido convincientemente 13-5. Sinembargo su diabierna siguiente Montaña Braves a haci locual nunca ningun otro equipo a yega di haci cu Royal Power, esta blankea Royal Power 8-0 por medio di un knockout y empata e serie 1-1. Royal Power usando su experiencia a keda masha frankil y a bounce bek diadomingo atardi ganando cu score di 6-2 poniendo Montaña Braves lomba contra muraya 2-1 en busca di un victoria pa empata e serie. Montaña Braves diamars anochi a pone mesun bateria cu a gana Royal Power, esta Rudy Angela riba monticulo cu Cindo Wester como catcher. Royal Power e biaha aki a bin decidido pa caba e serie y a dispara un total di 14 imparabel coriendo cu Rudy Angela desde di tercer inning for di monticulo pa titula campeon indiscutibel un biaha mas di Aruba. Royal Power desde promer inning a bay ariba 1-0. Den di dos y tres inning a amplia e score 4-0. Appel Laurant di Montaña Braves den 4 inning ta deposita un cambio di Jimmy Tromp tras di waya pa corta ventaha 4-2. Royal Power den 6 inning ta rally pa 5 careda riba triple di Nunn Flanegin y cuadrangular di Eldrick Dijkhoff cual batazo por cierto a pone China Apin di Ambiente Snack na careda kende tabata apoyando Royal Power na waya den left center. Nunn Flanegin coriendo na tercera base a wordo alcanza pa un liña fuerte, bati pa Angelo Arnold cual liña a pika y dal Nunn den su cara unda

Nunn pa un momento a perde conocimiento pero despues di un rato a lanta y cu ambulance a wordo transporta pa hospital unda finalmente despues di atencion medico por a regresa cas. Royal Power ta desea Nunn un pronto recuperacion. Montaña Braves den su ultimo oportunidad no kier a baha cabez y a score 3 careda mas. Royal Power 9 careda, 14 hit, 1 eror. Montaña Braves 5 careda, 8 hit, 1 eror. Jimmy Tromp ta bay full e ruta y na un manera espectacular a domina Montaña Braves, ayuda cu dos double play di su cuadra oportuno cu basenan yen. Rudy Angela ta bay cas cu e derota riba su number. Mihor bateadornan pa Royal Power ta Eldrick Dijkhoff y Angelo Arnold 3-2, Joshua y Jonathan Ramada, Nunn Flanegin tur di 2-2. Pa Montaña Braves a destaca den causa perdi Jayson Orman 3-2, Angelo Laurant y Gracindo Chindo Wester di 2-1. ASB a reparti premionan al instante unda Champion Batter Gregory Pilin Krosendijk cu un averahe di 542 a ricibi su trofeo. Mescos champion pitcher Poy Flanegin kende a termina cu 5 gana y 0 perdi. Homerunking cu 4 homerun tabata Shaul Illidge di e equipo Chill. MVP di playoff a resulta Eldrick Dijkhoff kende tabata tin un serie epectacular. Sub Campeon Montaña Braves y Campeon Royal Power. Nos amigo Fico despues di wega ainda tabata invita su hungadornan pa bin tereno diahuebs pasobra e serie lo continua pero despues di a dune un calmante Fico a realiza cu temporada ta tras di lomba y next season better luck. Un palabra di pabien na tur equipo, dirigentenan y sigur Directiva di ASB pa nan tremendo trabao. Deporte Softball ta e gran ganador!!!!



Umpire Helen final 2012



Royal Power pilin bulando cabez 2



ASB Kady 2012



ASB Crismo cu Shaul Illidge homerunking 2012



Montaña Braves Alexander Leest 2012



Montaña Braves captain Fico 2012



Royal Power Pilin ricibiendo premio champion batter for di Chin 2012



Royal Power fanaticada liña di primera 2012



Royal Power Eldrick Dijkhoff MVP hunto Endy y kady 2012

Torneo pa determina e pre-seleccion di ping pong



STA. CRUZ -- Diasabra ultimo a tuma lugar e torneo determinante pa e hungadornan di ping pong di e categorianan bao di 15 aña, esta U-15, y tambe bao di 18 aña, U-18. Ta asina cu tur aña a Caribbean Table Tennis Federation ta organiza e "Caribbean Cadets and Juniors Championship" cual lo tuma lugar na La Habana, Cuba e aña aki. Pa forma e pre-seleccion ATTA a organiza un torneo caminda e prome seisnan automaticamente ta forma parti di e pre-seleccion. Esaki a trece cu ne un presion inmenso pa e atletanan. E weganan di ambos categoria tabata di hopi bon nivel. Tabata tin hopi wega preta cu tabata caba 3-2, y tambe tabata tin hopi yoramento di e hungadornan hoben aki cu ta determina pa logra drenta e pre-seleccion. Den e categoria di U-15 Maurice de Kort di 15 aña a keda na prome lugar sin perde niun wega. Pero e di dos lugar Allan Croes y di tres lugar Valentino Dirksz ambos di 11 aña di edad a duna un bon bataya. Na di cuatro lugar ganando 8 wega y perde 4 a keda den persona di Jean Pierre Helmeyer. Na di cinco y di seis lugar a keda un empate entre Jean-Claude Hoek y Ethan de Lange kende

ambos a gana 6 wega y perde 6. Mirando cu Jean-Claude a gana Ethan, Jean-Claude pues ta haya e puesto number cinco y Ethan number 6. Despues ta sigui respectivamente Donald Yarzagaray, Jovan Francis, Chak Ho, Cheng Ho, Zao Xie, Cheng Kee y Naidert Elizabeth. Pa e categoria di U-18 e atleta Shawn Vlaun a sorprende tur hende y ta sali na promer lugar despues di un empate pa e puesto aki cu Lifrendy Lampe. Pero pa motibo cu Shawn a gana Lifrendy cu un score preta di 3-2, Shawn ta keda na promer lugar. Pa e di tres y cuatro lugar atrobe tabata tin un empate. E biaha aki entre Cendrick van der Linde y Maurice de Kort kende ambos a gana 3 wega y perde 2. Aki Cendrick a

sa di gana Maurice cu un score di 3-1 pues ta keda na di tres lugar y Maurice na di cuatro. Mester remarca cu Maurice ta un hungado di U-15 kende semper a duna bon bataya den e categoria U-18. Riba e dia aki mes, Maurice a gana e number un Shawn cu un score di 3-0. Na di cinco lugar a keda Micheal Kelly y di seis Jean-Pierre Gross. Aruba Table Tennis Association ta sumamente orguyoso di e nivel cu e muchanan aki ta hungando y ta determina pa sigui eleva e nivel di nos muchanan. Un pabien grandi ta bay na tur cu ta forma parti di e pre-seleccion y tambe nan mayornan. Awor e bataya ta sigui paso di e seis, solamente cuatro ta haya e posibilidad di bay Cuba. Exitó!



NOTICIANAN INTERNACIONAL

Uzo di google + ta hopi menos

Amsterdam – E red social Google

+ por crece masha lihe y posee entre tanto 90 miyon miembro.

E uzo ta sigui di ta significativamente menos compara cu competidornan. Segun calculo di e oficina di investigacion Comscore. Un usuario di Google + a dedica den luna di januari apenas un por medio di 3 minut riba e website. Cerca Facebook e cifra aki ta hopi mas halto riba 405 minut. Pero tambe por ehemplo Twitter cu 21



minut y LinkedIn cu 17 minut ta score significativamente mihor. E promedio di uzo di Google + lunanan anterior tambe no tabata hopi halto, pero tambe ta cay atras. Den luna di november e cifranan tabata ainda riba 5,1 minut y den e luna di december riba 4,8 minut. Den e investigacion usarionan di celular no a ser conta,


solamente miembronan cu ta haci uzo di un pc ta conta. Esaki no necesariamente mester tin influencia pasobra Facebook y Twitter tambe ta ser usa masha hopi mes riba smartphones. Google ta laga Reuters sa den su reaccion cu e realidad ta otro cu e investigacion di Comscore. "Google + ta mucho mas cu un webstite na unda hendenan mester acudi. Pa tal motivo su uzo ta masha dificil pa midi". E mayor search engine ta mira Google + mas manera un complemento na e servicionan existente, asina un vocero ta afirma.

Rose a conduci

Chicago Bulls na victoria

Chicago – Derrick Rose a dmostra claramente diamars anochi cu el a recupera completamente di su lesionnan dor di conduci Chicago Bulls na victoria durante e duelo cu New Orleans Hornets: 99:95. E hungador di basket, kende pa motibo di varios lesion tabata para un banda ya caba pa 1º duelo, tabata bon pa 32 punto y nueb asistencia. Cu e victoria aki Bulls ta empatata na prome lugar den e Conferencia Este. Chicago a logra na final di e competencia ocho punto tras di otro, di cual Rose a score seis pa su cuenta. Di e manera aki e hun-

CHICAGO BULLS



ga - dor mas valioso di e ultimo temporada den NBA a evita cu su equipo a sufrir un derota. Francisco Elson tabata para cerca Philadelphia 76 mas o menos tres minut riba e tereno. Su equipo a registra un gran victoria riba Detroit Pistons: 97-68, pero e Hulandes no a score ningun punto of rebound den e corto periodo di tempo ey.

Por lo menos 24 morto debi na kentura Q



Hilversum – Por lo menos 24 persona a fayece di kentura Q den e ultimo añanan. Segun Roel Coutinho di RIVM a bisa durante noticiario. Di nan ta sigur cu e kentura Q tabata e causa di nan morto. "Lo bay tin mas, kizas dos, tres biaha mas hopi", segun Coutinho. E ultimo

cifra oficial di mortonan a alacansa 19 hende. Desde e epidemia na 2007 alrededor di 4 mil hende a bira malo, pero e cifra ey tambe por ta mucho mas halto segun e Instituto di Reino pa Salud y Medio Ambiente. Decenas di patientnan cu kentura Q a acudi na e Fundacion pa reclama kentura Q. Nan kier cobra e daño financiero cu e patientnan a sufrir, for di agricultornan contagioso.

Parlamento Hulandes ta apoya plan di rescate Griego

Den Haag – Un gran mayoría den Tweede Kamer ta apoya manera ta ser spera e plan di rescate di 130 miljard euro pa Grecia, di cual e paisnan europeo a dicidi siman pasa. "Ta trata di un conhuntito delega y fragil, pero e ta mihor cu si e no lo tin exito", parlamentario di PvdA Ronald Plasterk a bisa diamars den Tweede Kamer. E partido político PvdA semper a contribui te cu awor hunto cu VVD, CDA, D66 y Groen Links

cu e Gabinet pa tin un mayoría pa cu e maneho di euro. Plasterk si ta desea pa Europa yuda e Griegonan pa bolbe crece economicamente. Subsidionan agrícola Europeo cu awor ta destina pa agricultornan Frances, por ehemplo por ser mihor uza pa combati e desempleo bou di hobennan den Grecia. Tambe otro paisnan Sur Europeo mester haya temporalmente segun e mas subsidionan Europeo. Esey ta nifica cu e paisnan den parti nord



mester entrega placa. Segun Plasterk esey ta na bienestar di Union Europeo den su totalidad. "Mi ta prefera cu subsidionan Europeo bay pa e combatimento di e desempleo juvenil di Grecia en bes di ta destina pa agricultornan Frances", Plasterk a bisa.



Asamblea
Activando Bo Fe
E apostelnan a bisa Señor Hesus: "Hasi nos fe krese"
Lukas 17:5
 Lugar: Club Caiquetio
 Fecha: 2 di Maart 2012
 Ora: 7:00 - 11:00 pm
 Donacion : Fl. 10.-
 Orador Invita
Di Panama
Pader Teofilio Rodriguez Diaz



Mensaje di Dibino Ninjo na Reginald Danje 26 februari 2012

Paz sea cu boso na tur mi juinan.

Ami boso Ninjo Dibino chikito cu a bini di Spirito
Santo pa trese paz y alegria

y tambe tristesa y amor den boso hogar y ni asina
boso no ta cumpli cu ley di

Dios Tata Todopoderoso y cambia boso bida, busca
Dios y su iglesia y resa su

Santo Rosario y alabe y lastra ariba boso rudia pe.
A boso mi juinan mester

mira tur rond di boso kiko ta bon y malo. No laga
cosnan di mundo y fiestanan

caba cu boso fe pa Dios Tata Todopoderoso y ora
boso tin un dolor y tristesa



grandi boso ta busca Dios pa judansa y ta sinti dolor mescos cu boso y ta
habri su brasa pa purifica boso y boso alivio. Ami Ninjo Dibino ta stima boso
mi bista ta tur caminda ariba boso tur caminda mi escohidonan lo sigi plama

mi mensaje rond di mundo. Mi ta pidi boso perdona boso mes y boso
enemigonan pa boso wordo perdona pa Dios Tata y boso ta wordo salba den
number di Cristo Jesus.

Mi bendicion pa henter mundo y biba prepara y cuida boso criaturanan for di
tur maldad cu ta rondona nan y sinja nan e caminda di Dios. Y preparanan,
pasobra pronto lo Mi bin. Mi binida ta cerca. Boso biba prepara riba e mundo
cu ta warda Dios Tata Todopoderoso. E dianan ta asercando y luz y paz pa
boso

ilumina boso y duna boso mas fe den boso bida. Amen, Amen, Amen.

Pami bn amigo Jo (Juwana) Recordando bo



Ta manera ayera Jo cubo ta bisami pa nos bay test
e brommer.

Sin sa cu ta bo despedida, Mi bon amigo hopi falta
bo ta hasimi ,

pa tur e bon momentonan cu nos a pasa hunto,
Hopi na careda ,hopi na Fever...

Pero destino a dicidi otro y Papa Dios a manda un
angel bin buscabo,

Nos tur ta puntra pakiko y dikon ,Sin por hanja un
contesta.

Nos sa cubo ta bon unda cubo ta, Den brasa di
senjor

Un cos mi ta pidibo mi Bro Cuida mi di tur malo y tey
Semper bandi manera bo

tawata tey....

Bro hamas nos lo lubidabo..

Dibo brother :Rowiii

Invitacion pa Rosario Bibo diasabra awor dia 3 Maart 2012 na Koyari

Nos di e grupo di oracion catolico "The Voice of
Jesus" ta haci un invitacion pa asisti diasabra **awor**
dia 3 di Maart 2012 riba e tereno bendiciona
na Koyari, na unda nos lo bai tin e oracion
di Sto. Rosario Bibo, cual lo cuminsa pa 8.00
di anochi. Nos Vidente Valerie lo ta presente
 hunto cu nos y nos ta bai resa en particular pa
 Aruba su situacion cu e ta pasando aden, pa
 tur e enfermonan, pa tur e matrimonionan y
 especialmente pa tur nos muchanan y hobennan
 cu ta lantando awor aki, pa nan no bai perdi
 y tambe pa mundo henter, pa por tin paz y
 tranquilidad den cada cas di famia.

Nos ta pidi pa cada persona por trece su propio
lampi of bela blanco y tambe pa tur hende bini na
blanco bisti.

Tur hende ta cordialmente invita pa bin resa pa
nos por hanja proteccion di Hesus y di Mama
Maria. **Grupo di Oracion Catolico: "The Voice of
Jesus"**



SINDICATO ADUANERO DI ARUBA



Cu profundo triste“(SADA)

tin e tristo deber di anuncia fayecimento di

Sra. Precilia Croes-Solognier

Mihor conoci como “Chia”

Mama di nos collega Edgar
“Gati” CroesNos ta manda nos mas sincero
palabra di condolencia y forza na
su famiaCu sra. Precilia “Chia” Croes-Solognier sosega na
paz.Acto di entierro lo tuma lugar diahuebs 1 maart 2012,
na Aurora Funeral Home

di 9’or pa 11’or.

CAMINDA DI CRUZ



Rumannan den Cristo, Boso ta cordialmente invita pa uni cu nos
riba Diabierna pa nos medita riba e Pasion, Morto y
Resurreccion di nos Señor Hesu-Cristo. Hesus a muri riba Cruz pa
nos Salvacion, Su Sanger Presioso El a derama pa nos picarnan,
laga nos mustrel’E nos gradicimiento cu un sacrificio pa 3or di
atardi na Koyari.

Pa 8.30 di anochi nos ta reuni dilanti di Kapel “Creacion di
Mundo Henter”, pa nos medita y comparti cu otro loke E kier
bisa nos den Santa Escritura y despues pa termina cu un Vigilia.

Bini uno y bini tur, grandi y chikito, pasobra nos tur ta jiunan di
Hesus y di Mama Maria. Laga nos muestra Nan cuanto nos ta
stima Nan.



THE VOICE OF JESUS, KOYARI



Gradicimento/Invitacion

Pa medio di e nota aki, nos Ta gradici tur e personanan y personal di e
instancianan cu na un manera of otro a duna nos nan apoyo y sosten cu mi
mama, wela y nos ruman y tanta

Sra. Maria Helena Ras-Angela

Danki eternamente di curazon. Nos no kier menciona
number, pa nos lubida un number of otro. Boso mes sa
ta ken boso ta. Danki especial ta bai na personal di Cas
Maril, Wit Gele Kruis, Cas di Cuido y Alegria, na personal
Eerste Hulp H.O.H 3de verdieping H.O.H, Yolanda Maduro
, The Olive Tree Funeral Home, Max Hassel, na tur
esnan cu nan yamadanan, email, carchi flor, telegram,
boso presencia, atencion y sosten, aprecio. Duna na e
ora dificil pa nos. Danki di curazon. Di parti di su yiu Aurea Janina Ras, nieto,
Mark Lejeuz y demas famia. Alavez nos ta invita tur famia, bisina, amiga(o)nan
y conocirnan na tres Santo Sacrificio di misa cual lo tuma lugar: diahuebs 1
maart, diadomingo 4 maart y diaranzon 7 maart 2012 (y despues na un rosario
na N.C.C. 92) pa 7’or di anochi na Misa Christo Rey na Brazil.



Gradicimento/Invitacion

Sra. Francisca Ras

26 Februari 1941 – 22 Februari 2012

Nos ta gradici di curazon na tur famia, bisiñanan y
conocirnan cu di un of otro manera a duna un man
durante di nos ruman/tanta su cuido pe pasenshi
y dedicacion cu a tene cu su persona durante su
enfermidad y pa cas di cuido Bethesa cu a cuidele
durante ultimo lunanan y tambe Cas di Alegria na Cura
Cabay cu den e promer instante a habri su portanan pa cuidele.

Danki na The Olive Tree pa su servicio espectacular.

Danki di curason nos ta gradici boso tur cu a asisti na e momentonan dificil aki
y a sostene nos.

Alavez ta invita tur famia, bisiñanan y conocirnan pa asisti na e Santo
Sacrificio di Misa dianan 3, 4 y 5 di Maart na Misa di Brazil pa 7’or di anochi
pa descanso di nos ruman y tanta su alma.



Invitacion

Grupo di oracion carismatico "Cristo ta Amor" ta invita tur
su fielnan y e pueblo di Madiki y Aruba henter pa adoracion
di santisimo na Kapel Cristo Sufriente na Madiki diahuebs
14 Maart 2012 pa 6.30 di anochi y alavez nos ta recorda
tur e fielnan cu e Caminda di Cruz ta cuminsa pa 5.30 p.m.

Hesus a bisa den Mateo 16:24 si un hende kier sigui mi, e
mester lubida su mes, hisa su cruz y sigui mi.



Mementomori Funeral Home

"Laga tur locual cu ta spera mi ta bunita. Laga tur locual cu mi encontra na caminda ta bunita. Laga tur locual cu ta rondona mi ta bunita. Laga tur locual cu mi ta laga tras keda bunita y laga esakinan termina den tur buniteza."

Cado Wever

A bay sosega den braza di Señor, nos mama, wela, bisawela y ruman stima:



Catharina Ruiz-Erasmus
cariñosamente yama: Nina

Dia y ora di entierro lo wordo anuncia despues.

Grupo Rumannan den Oracion Dr. Jose Greogorio Hernandez Dakota, Aruba



ta invita pa asisti na Caminda di Cruz hunto cu boeki geel riba 7, 14, 21, 28 di Maart, 2012 y 4 April, 2012.

Tur e fechanan aki ta cay riba un diarazon.

Lugar: Cas di Oracion, (patras di Pius X School)

Ora: 7 P.M. Rumannan, nos ta warda boso tur pa acudi sin falta na nos caminda di cruz riba e fechanan menciona.

Un danki grandi di antemano.


Suzie Henricus, **Tel. 582 6078**



Mementomori Funeral Home

Invitacion

Pa medio di esaki nos ta gradici tur famia, bisiña, amigo y conocirnan cu di un of otro forma tabata cu nos na ora di fayecimento y entierro di nos tata, welo, bisawelo y tatarawelo stima:



Angel Ruben Trappenberg

cariñosamente yama: " Ben"

Gradicimento tambe ta bay pa tur esnan cu a manda flor, krans, y yamadanan telefonico. Un danki ta bay pa personal di Dr. H.O. Hospitaal pa nan bon cuido y cariño. Pa tur esnan cu a compañía nos den e momentonan dificil. Alavez nos ta invita tur famia, bisiña y conocirnan pa tres santo sacrificio di misa riba


Diasabra 3 di Maart 2012 pa 7'or di anochi
na misa Santa Anna na Noord

Boso presencia ta altamente aprecia.
Na nomber di su yiunan, nietonan y demas famia.



Mementomori Funeral Home

Con inmenso tristeza en nuestros corazones, participamos el fallecimiento de:



**Alcides Francisco
Peralta Pereira**

y

**Benjamin Nicolasd
Castro Aguirre**

En nombre de:



Sus mejores amigos y demas familiares invitamos a todos sus amigos, vecinos y conocidos para que asistan al acto de condolencia cual se efectuara en Mementomori Funeral Home el miercoles 29 de Febrero del 2012 a partir de las 2 de la tarde hasta el 6 de la tarde. Los restos mortales de Alcides y Benjamin seran transportados a Colombia.



*"Pero Dios lo salba mi di e poder di morto,
pasobra e lo hiba mi cerca dj'E."*

Cu profundo tristeza, pero agradecido cu tur loke el'a significa pa nos, nos ta anuncia fayecimento di :

Otilio Reimundo (Titi) Davelaar

*Coursou 03-6-1914
†Aruba 26-2-2012



Na number di
su yiunan:

Otto y Myrtha Davelaar-Kock
Eric y Gladys
Davelaar-Morales
Vivienne (Poppy) y Jani Winterdal-Winklaar

su nietonan :

Raymond "Raimy" y Isaira Davelaar-Tromp
Giovanni "Gio" y Anuschka "Uka" Davelaar-Daké
Gwendel y Ilonka Davelaar-Elskamp
Erika (Gaby) Davelaar y Jeff Eskes(Hulanda)
Audrey Davelaar (Hulanda)
Eric Samuel Davelaar (Hulanda)
Micheal y Dinaida Lopez -Ponson
Desiree Lopez
Nancy Lopez y Andrew Boekhoudt
onathan Krist y famia (Hulanda)
Juvien Winterdal
Jeten Winterdal
Su 10 bisanietonan

su rumannan:

Sra. vda. Nilda Pereira-Davelaar y famia
Sra. Anna Maria (Chichi) Davelaar y famia

Sobrino y sobrinanan:

Joyce Pereira
Robert Pereira y famia
Enith Petersen-Pereira y famia
Harold Pereira y famia
Henry (Junior) Pereira y famia
Merle van Eijma y rumannan
Reginald Fancito y famia

Demas famia: Davelaar, Betrian, Herlaar, Pietersz, Muskus, Reyes, Fonseca, De Cuba, Pereira, De Wind, Quilotte, Lopez, Winklaar, Kock, Morales, Winderdal, Tromp, Daké, Elskamp, Ponson, Petersen, van Eijma, Fancito, Krist, Zschuschen, Boekhoudt y demas famia na Aruba, Coursou y Hulanda.

ta invita personal di Cas di Nos Grandinan Bethesda y di St. Michael Paviljoen, tur famia y amigo pa asisti na e **acto di entierro cu ta tuma lugar diabierna dia 2 di Maart 2012 4.00 or di atardi na Misa San Francisco na Playa.**

E resto mortal lo ta reposa for di 2.00 or den Misa San Francisco.

Despues ta sali pa Santana Catolico den Caya Ernesto Petronia.

Tin oportunidad pa duna condolencia na Aurora Funeral Home diahuebs dia 1 di Maart 2012 di 7.00 or pa 9.00 or di anochi.



"Bao di halanan di Dios mi ta sigur"

Abo cu ta biba bao di amparo di Altisimo, ta hospeda den sombra di Dios omnipotente, bisa Señor:

"Mi refugio, mi forti, mi Dios, den kende mi ta pone mi confianza"
Salmo 91:1-2

Cu honda pena y agradecido pa tur lo cual cu nos mama a haci pa nos y conforme cu voluntad di Dios nos ta anuncia cu a fayece cristianamente

Sra. Precilia Croes-Solognier

Vda. di Henry Croes
Mihor conoci como "Chia"
*8-7-1940 †25-02-2011



Na number di su yiunan:

Richard Croes y esposa Isabel Croes-Abreo
Mirna Croes
Edgard Croes y esposa Gwendolyn Croes-Boekhoudt
Geraldine Angela- Croes y esposo Aymond Angela
Maria Maduro Solognier y esposo Ronny Maduro

Mescos cu yiu:

Yolanda Everon, Yvonne Oduber-Bareño

Nietonan: Yogard Everon, Jonathan Ras, Antwan Angela, Daniella Croes, Ayden Angela, Jessica v/d Linden-Maduro y Sandro v/d Linden, Anthony Maduro

Mescos cu su nietonan: Edward Everon y famia, Arthur Arends, Abigail Arends, Amy Oduber

Mescos cu su bisanietonan: Selene v/d Linden, Lian v/d Linden

Ofelia Tromp-Solognier y esposo Anselmo Tromp
Vda. Josefa de Mey-Solognier
Angel Solognier y esposa Leoncita Solognier-Koolman
Reynaldo Solognier
Aida Werleman-Solognier y Jose Werleman
Rita Trimon-Solognier y Henry Trimon

Sobrino y sobrinanan: Hypolito Tromp, esposa y famia, Lucia Nicolaas-Tromp, esposo y famia, Juan Tromp, Lourdes Richardson-Tromp, esposo y famia, Edith Dijkhoff-Tromp, esposo y famia, Lydia Holmond-Tromp, esposo y famia, Junior de Mey y famia, Erwin de Mey, esposa y famia, Griselda de Mey y famia, Sandra Geerman-de Mey, esposo y famia, Elaine Arends-Werleman, esposo y famia, Marylin Werleman y famia, Karin Lampe-Werleman, esposo y famia, Junior Trimon, esposa y famia, Marjory Countinho-Trimon, esposo y famia.

Cuñanan:

Reina Croes y yiu, Lucila Croes y yiu, Margo Werleman-Croes, esposo Edy Werleman y famia, yiunan di difunto Hilda Croes

Swanan:

Americo Croes, Charles Croes y yiu

Su ihanan: Marlyn, Humphrey, Marylin y Bjorn.

Primo y primanan, amigonan, conocirnan, bisañanan, amistadnan di Club Palmita di Oro, Club Kibrahacha y Wilhelmina Kankerfonds, specialmente e ayudantenan Lola, Yvette y Ita y alavez su prima Esmay Erasmus pa su apoyo y ayudo.

Demas Famianan: Solognier, Croes, Everon, Ras, Angela, Abreo, Boekhoudt, Erasmus, Kelly, Tromp, de Mey, Werleman, Koolman, Trimon, Maduro, v/d Linden, Bareño, Oduber y demas famia na Hulanda.

Acto di entierro lo tuma lugar awe diahuebs 1 di Maart 2012, na Aurora Funeral Home 9'or pa 11'or di mainta, despues lo tin un sirbishi na Kerki Protestant na Piedra Plat (Ora di sirbishi no tin oportunidad pa condoleer) y despues pa santana Protestant na Piedra Plat.

Nos ta pidi nos disculpa si den nos tristeza nos por a lubida un of otro famia.

Awe corant ta sold out hahaha pasobra e guy tutu tutu



Wiliam

yespes ta hashy añ awe party party yes yes love you love you so much sandra always

COLEGIO FELIPE B. TROMP
TA PRESENTA:

FELIPE FEST

"Nos ta cantando"

FECHA : DIABIERNA 2 DI MAART 2012
LUGAR : FELIPE B. TROMP
ORARIO : 6:00 - 9:00 PM

BAR Y CUSHINA BON
GESTOCK! DUSHI SNACKS,
VARIEDAD DI SOPI Y
CUMINDA. FONDO DIRIGI
PA PROYECTO 'ONS
FELIPITO SPEELTUNTJE'

FESTIVAL DI CANTO

SOLO Di Pueblo

BRIYANDO FUERTE TRECIENDO CLARIDAD

3 MAART 2012

FAYA BO HAYA 4 UPGRADED

BIG CASH PRIZES

STREET LEGAL BIKE 750,-
STREET LEGAL AUTO 1000,-
KING OF STREET 1000,-
SCOOTER 350,-

DEMOLITION DERBY 1000,-

@palomarga

Sponsored by: Da Silva Racing
Lucho
Towing
SafeCom SOLO

VIVA NAILS

Spa & Salon Products

Avenida Milo Croes nr 10, Oranjestad, Aruba

Vivanails is a specialized salon. We offer the best salon and spa products. We also have spa treatments available for your personal care.

Swedish & Facial	Awg 135	Basic Pedicure	Awg 35
Manicure & Pedicure	Awg 50	Basic Manicure	Awg 25
Eyebrow Waxing	Awg 07	Foot Reflexology	Awg 75
Aroma Stone Therapy	Awg 105	Paraffin Foot	Awg 50
Gel Nails	Awg 60	Kids Mani & Pedi	Awg 35

Promotions

Callos Remover / Removedor de callo
Orange massage oil / Aceite naranja
Gel Reductor diferente aroma
Nail Care Elements

CALL US
588-2444
560-8494

Come and Visit Us !!!